



翁山詩外

卷之三

番禺

屈大均

撰

七言古

御書歌

有序

烈皇帝御書采風二大字布衣

臣

顧苓奉之艸堂

中因顏曰采風寢

臣

大均獲拜觀焉感而作歌

先皇眷愛采風吼時作采風字如斗鐵畫銀鈎艸

帶真□宣廟□神宗同一手國變餘君大布衣兼

金購得□御書歸日日焚香瞻□聖藻天門龍跳

見天威手種蒼采何礪砢采髯看似龍髯墮皮經

歲月長斑鱗子爲乾坤留碩果血淚風吹無盡時

枯枝復似海棠枝歲寒不爲君王改節苦惟應天
地知華陽咎種蒼朶盛白衣宰相言符命一身前
後事齊梁有愧朶風清且勁君今對越朶風字□
先帝威靈應鑒只千秋御氣託茅茨一片神光生
玉璽殷勤拂拭絕纖埃芳辣三薰恐蠹來異日黃
紗籠入獻文華殿裏待重開二字煌煌如大訓九
賓肅肅設平臺
烈皇帝御琴歌

嗚呼蒼天不可識炎精久被虹蜺食共工怒觸天
壽崩百神驚走慘無色□先皇龍戰血玄黃雲中
徒跣歸文昌臣尋弓劍煤山旁淚枯參天雙海棠

宮門邂逅故嘗侍曾見□先皇諸寶器烏皞久已
殉銀泉龜書無復藏金匱惟餘一琴賊不傷□真
人手澤猶光膩花紋細作飛龍形玉管親題翔鳳
字濟南李卿懷孤忠千金購茲太冥桐拂拭神蛾
絲五色沐浴珠徽光的爍月明如見朝鬼神天陰
時聞轟霹靂我從李卿請琴觀楚囚相對泣南冠
湘妃錦瑟秋風咽山鬼蘿衣夜雨寒欲排閭闔叩
天鼓忠信翻爲虎豹侮乾崩坤拆帝無聞日擁投
壺諸玉女蒲阪南薰操不成崑丘黃竹歌空苦宵
衣盱眙十餘秋有宮無商淚自流大絃旣急小絃
絕誰爲君王蠲百憂其時坐有楊太嘗曾承天語

稱師襄玉熙宮中久供奉琴聲高奏侑羽觴岐伯
鏡歌揚武德延年樂府擅鴻章嗚咽牽予訴遺事
咬春燕九陪遊戲琵琶水殿彈嬌娥龍舟爭采夜
舒荷唐山新製房中樂黃鵠交飛太液波疊疊水
嬉金傀儡紛紛過錦玉婆娑月照龍顏含喜色千
秋萬歲樂寧多千秋萬歲樂無多忽爾遼陽烽火
動焦勞無復聽雲和天昏莫埽蚩尤霧河決誰憐
瓠子歌吹角難令玄女降舞干其柰有苗何甲申
三月燕京亂此琴七絃忽盡斷玉殿橫飛鐵騎聲
天威先示空桑變從此中華禮樂崩八音遏密因
思陵小臣亦似嶧陽幹半生半死難騫騰伏波

馬革裹未遂軒轅龍髯攀不能感君珍重此琴歸
九廟神靈實憑依鼓之舞之元氣馳帝出乎震
是今時殷薦上天以崇德此琴將爲聖人師太嘗
於焉再稽首爲取賜琴揮玉手童子金爐添御香
主人朝服當西牖落日陰連海岱雲平沙遠映青
徐柳初撥宮絃鐘呂鳴縹緲簫韶吟紫清春風吹
滿蓬萊闕和鑿正繞千花行移商未成忽變徵劍
戟相摩雨不止中原羣盜俄蠡起至尊嘆息呼
赤子更調角羽風嘈嘈中見黃巾爭舞刀殺人無
聲如刈蒿茫茫白草兒女號又聞投鞭渡臨洮九
龍池水流人膏百官披髮衝波濤君玉淚沾火

藻袍笳聲夜奏車千小獵火秋懸太白高堂堂天
朝事遂去可憐萬國無臣庶徃日霓裳宴太平開
元子弟俱何處抔土誰封金粟堆杜鵑自掛蒼梧
樹驚風如刀頻割絃欲續斷絃雙手酸餘音遶梁
何纏綿滿堂賓從皆涕漣請君罷彈莫終曲恐令
南北諸陵哭偶然失勢龍爲魚終見時來馬生
角他朝日月定重輪今夕鸞皇聊獨宿否極泰來
天有嘗萬里高飛翼先伏偕君阿閣賀昇平雌雄
和鳴三十六

綠綺琴歌

有序

武宗毅皇帝內府之器其名綠綺向藏

於中書舍人鄭露家庚寅冬舍人殉難朔方健
兒得之以鬻於市金吾葉卿見而嘆曰噫嘻是
御琴也解百金贖歸暇日泛舟豐湖命客一彈
再鼓大均聞而流涕乃作歌曰

羅浮四月春泉決流出千溪萬溪雪豐湖浩渺連
空天鴛鴦鷓鴣紛明滅主人漢代執金吾歸築樓
臺半在湖桂棹湖南邀宋玉銀箏湖北奏羅敷顧
謂雙鬟陳綠綺一時賓客皆傾耳言是中書鄭子
琴珠徽如月寒光起梅花千片斲龍鱗沉香一節
燒鸞尾製自唐朝武德年隱隱金書御璽連
皇親向宮中選賜與劉卿世世傳中書乃自劉家

得似捧烏號淚沾臆珍重君王手澤餘大絃小絃
日拂拭時飛纖指理南風髣髴重華見顏色自從
朔騎圍三城中書奉使歸籌兵日與元戎親矢石
時將彩筆作戈旌雙闕恨屯口紇馬六龍愁在亞
夫營城陷中書義不辱抱琴西向蒼梧哭嵇康既
絕太平引伯喈亦斲清溪曲一縷腸縈寡女絲三
年血變鍾山玉可憐此琴遂流落龍唇鳳喙歸沙
漠蔡女胡笳相慘淒王昭琵琶共蕭索嘆君高義
贖茲琴黃金如山難比心我友忠魂今有託先朝
法物不同沉我咎山東見翔鳳翔鳳乃威念是
威皇手所弄復從太嘗見賜琴一為開元舊供

奉

楊太嘗正經有二賜琴一
為唐開元年供奉樂器

背有崇禎玉璽留五

聲亾角悲民流

楊太嘗嘗奉
廟諸樂章嘆曰五聲乃亾角民流

救審定五音暨郊

至太嘗為我一揮手呼天搶地愁復愁君是當年

侍從者出入嘗陪八駿馬十三官拜羽林郎二十

戰酣涿鹿野一自龍髯不及攀豐湖一曲遂棲閒

樂器不同微子抱淋鈴難見上皇還此琴寶惜宜

加厚列朝恩在宮商間安得翔鳳入君手更召太

嘗至牕牖一奏當令白鶴翔再彈會見神龍吼

布政張公挽歌

有序

崇禎末逆賊張獻忠犯貴陽文武諸大吏聞風
皆遯布政使三原張公耀獨率家僮守城城陷

公猶手刃數賊獻忠以禮請曰公吾秦人吾甚重公公若降當居宰相公奮罵不屈賊械其妾媵三十人於前曰降且免一家歿公罵愈厲賊割其舌支解之妾媵等皆歿
貴陽城崩誰巷戰叅政張公奮刀箭手提銀印血模糊冒陣一呼天地變賊憐神勇欲降公泰山自擲鼎鑊中奮罵一軍皆辟易舌如電光不敢食丈夫羞與賊同生妾媵歡然爭歿敵願爲良臣安可得殺身成仁亦何益腐肉如山魂袒裼白晝賊中猶盪擊

與陳明敬采方竹作

不采禹陽阮險枝不求羅嶠籠葱幹聞君方竹拂雲霄枝枝中矩堪把玩我生好入名山遊手中竹杖是朋儔阮險只堪作長笛籠葱但可駕高樓愛茲方竹堅如鐵出入扶持宐暮節進長居後退居前令我不隨人磬折賢人方之聖人圓嗟余違世不知權但使喬朵得本性何須散木終天年與君向此篋管掘磊砢憐伊有正骨摩娑不減金琅玕鏗然爪甲聲清越人間五嶽好遊嬉莫教尚平婚嫁遲騎二茅龍君不羨駕三青鳥吾不希但將方竹作雙杖與爾高高上翠微

送韓石畊

我聞黃山有湯泉軒轅浴之飛紫煙瓊樓珠闕萬
峰連瀑布爲梁度羣仙白雲瀰漫如滄海丹臺石
笋忽不在天風吹開金芙蓉中有日月紛光彩送
君歸去餐日華桃花片片是丹砂三日容顏如玉
女却來同我登青霞

憤歌

時人皆謂我狂生蓬頭垢面縱橫行神龍變化愧
無力失水乃與螻蟻爭哀哉天下日沉濁孟軻好
辯遭凌辱從來君父若浮雲暮楚朝秦非反覆我
今守道誠不祥孔雀何如牛有角

上千尺峽百尺峽至溫神洞宿

十八盤盡見西峰遊人匍匐上芙蓉攀援鍊綆數
千尺身似飛猿時一擲陰陰天井上穿天裊裊石
梯懸度石神爽先飛玉女峰嘯歌暫憇羽人宅月
中明滅白雲流風外砰磅瀑泉激咫尺翻愁帝座
逼吐納聰明慎今夕

西峰訪范復菴不值留贈

橫天一壁驚無路頻騎夾嶺空中度棧邊萬壑沉
青冥橋下千峰出煙霧我從玉井得真源明星玉
女招不顧直向西峰攀所思樓壓蓮花花倒垂三
閭披髮同山鬼四皓療饑有紫芝咫尺白雲尋不
見先朝耆舊君堪戀無悲帝座隔層城自有天門

通一箭

復菴名述古襄陽人崇禎朝東宮伴讀甲申之變走華山爲道士

西峰下窺水簾洞作

玉井潛流爲瀑布諸峰噴薄如煙雨天風吹斷水晶簾似見投壺諸玉媿河漢縱橫難爲梁欲度不度愁參商石髓金精不我與銀臺玉室徒相望山鬼幽篁悲晝晦美人其雨怨朝陽行歌散髮且徜徉

率頂放歌同王伯佐

太舉峻極惟南峰脚踏萬朶青芙蓉東西二峰尚匍匐白帝上宮不敢卽天柱搖搖風欲傾元氣茫茫日無色我行飛棧若驚鴻君騎搦嶺如游龍君

過玉女飲三漿我向將軍攀五朶狂嘯翩翩凌絕頂日營四海神光騁水簾高捲入珠樓蓮葉浚披探玉井黃河浩浩瀉愁心明月蒼蒼逐孤景塵垢猶堪鑄帝王清虛何足留箕頰形勢依然天府雄龍爭虎鬪誰途窮千里金城收一掌萬年甘露待重瞳

王允塞招飲竹林精舍醉賦

黃神峪口開精舍蕭蕭樹石流泉瀉主人觴我竹林前與客七人成七賢曠達誰能拘禮數豪雄不屑居神仙嬌歌急管且流連蛾眉相妒不相憐蹙者欲斬平原妓蔡經難受麻姑鞭醉來飛馬直上

天蹴踏峯峰十丈蓮人間萬事如塵煙我乃酒狂
合自然請君無爲醒者傳

長春石室

有序

峯山雲臺峰側有長春石室唐貞觀中道士杜
懷謙之所居也懷謙自號長春先生好吹長笛
令人多買笛一吹之輒投於巖下笛盡更供今
石室巖然笛聲猶不絕云

長春先生好吹笛吹之裂盡峯山石一笛持來只
一吹歲用琅玕數千尺一吹卽復投巖中笛與人
間製不同人間不見長春笛惟聞笛聲滿碧空仙
人自古重音響吹使乾坤氣清爽一曲中和致太

平遺音千載穿雲上我向先生石室栖每尋長笛
臨迴溪願作仙人笛弟子朝朝吹徹雲臺西

洗象行

玉河六月河水長朝廷舊典賜洗象昆明不見舊
樓船太液何來新甲仗傾都觀者皆歡娛宣武門
外鋪瓊瑜公子踏花紅叱撥佳人障日錦屠蘇須
臾前導執金吾二十四象天街趨龍旂送出千門
柳羽騎迎過萬歲湖花牙潤潔體雄詭橫行鬱若
丘山徙自是瑤光星降精惟有神龍力可比夜郎
蠻奴馴習者手握銀鈎左右下騎入洪波走巨魚
突出平沙驚萬馬水花頰洞濺浮雲兩邊金鼓鳴

虎賁似逢光武昆陽戰如破吳王水犀軍萬人喧
呼動城闕一片紅塵汚冰雪爭道驂騮擁御橋兩
行燈火侵宮月白頭中使偶相逢三朝腰玉賜穿
宮謂余此象養天廐當年俸與將軍同曉披瓔珞
朝皇極秋駕鑾輿出喜峰去歲雲南師敗績象兮
曾與沮渠敵周王八駿去何之夏后兩龍歸未得
可憐巖嶽虎豹姿雖飽膏粱淚沾臆

贈清霞子

我咎遊太舉亦上終南山爲尋仙人清霞子那知
乃在東湖間本是紫髯一將軍家在賀蘭臨塞雲
赫連臺畔時遊獵花馬池前或典墳曾逐孫公大

司馬

庭傳

血戰黃巾邾城下七日霖雨真可憐三軍

糧絕淚頻灑潼關再戰功垂成天妒孫公使結纓

爲忠只有喬參贊元作叛何多白總兵廣清霞此

時河南走黃石兵書嘗繫肘英雄且戰且學仙曠

達一吟一飲酒九聖微言久寂寥神明幽贊暮還

朝王弼天人談不倦莊周蝴蝶夢相邀東湖水自

羅浮落石室燒丹汝新作要將雞犬共冲雲莫使

嫦娥先竊藥潘茂名郁先生千年象數相傳授後

天之學汝尤精郁先生名文初嘗爲高州太守夢

絕學清霞乃至人變化無生歿一龍一蛇誰得似

曼倩何妨謔浪多老聃不狂虛無裏夏日荷花滿

湖綺玉琴三弄鴛鴦起我言素女卽丹砂君欲雲
英化爲水

辛亥中秋夕作

去年月比今年好嬌女如花狂襁褓手持一物笑
當門柚子燈紅如瑤瑤前年月比去年明內子新
歸自鎬京畫舸朝維楊柳岸香車暮入鳳皇城盤
中果愛甘蕉美檻外花憐抹麗清稚子爭圍秦弄
玉慈姑似見許飛瓊今年月色如冰凍獨坐簾前
抱哀痛吳宮紫玉遂成煙巫岫朝雲元是夢幽魂
不返月支香仙蛻已藏毛女洞淚落黃泉知不知
黃泉少見月明時難將一片天邊月長照黃泉冰
雪姿黃泉母子應相見見此月明淚如霰人間月
似白玉盤地下月如白團扇團扇光輝乍有無愁
君失路一身孤夜淡環珮歸宐數莫向黃泉空望
夫

雷陽郡齋醉中走筆呈吳使君

使君風流世所宗飲酒不醉真酒龍一麾出守瀕
海郡三年坐嘯擎雷峰有一酒狂人不容聞君新
醅荔支濃沉香觥船大如斗中有扇沙嫩鹿茸香
狸之脯鯊魚翅玉盤行出和春菘使我朶頤不能
已番禺千里來相從仲秋月照郡齋夕轟飲吏人
俱辟易鯨魚自合乾百川鼯鼠猶能盡一石玉山

忽倒紅瓊瑜談禪交吐夜光珠嬌歌婉轉東西和
花旦溫柔左右扶英雄達生無不可一代糟丘今
屬我古來賢聖盡浮雲豈必二豪同螺贏咎人酒
中誰陸沉阮公一醉直至今酣放動經六十日千
載惟公知此心

壽汪虞部

南陽老人漢郎官七十面如紅玉盤家近浮丘丈
人館御女早得軒皇丹二月羅浮大蝴蝶紛紛出
繭食花葉山人言是小鳳皇五色之鳥爲臣妾有
似君家諸小郎三歲四歲初扶牀琳瑯盡是天廟
器神仙之雛不可當君今垂老多歡樂左鬢會應
生肉角著書已富內外篇采藥還期南北嶽從來
大道貴傳人長生有術予將學

陳丈種花歌

丈人無事惟種花花開紅白如明霞朝從花市得
金錯暮向花田吸月華花中一樹綠萼梅下有水
仙數叢開水仙乃自秣陵得綠萼元從羅浮來願
作羅浮大蝴蝶與君朝朝食花葉願作羅浮五色
禽與君暮暮宿花林秣陵花如山亦復花如海清
涼海棠大十圍吉祥古梅自六代不及君家此園
春千葩萬葉飛成茵閒來只抱丈人甕隱去誰知
漁父津自結一亭小極蘭花四繞冬有芙蓉亦有

桃絕喜嶺南霜雪少花落爭來釀酒人花開早至
收香鳥往時朱叔賢種花禺陽邊殷勤葬落花處
處成花阡與花共生歿好花成神仙君今落花棄
不可日日埽來盡與我朱叔名學熙清遠人丁亥
秋以庶嘗殉節嘗以古審
器葬落花於南禺黎太
僕遂珠爲作花阡表

東湖篇贈高明府

柳絲柳絲長復長雖長難繫紫鴛鴦鴛鴦飛逐落
花去使我攀絲空斷腸使君欲執鴛鴦鳥來向東
湖臨浩渺更憐魚尾紅萋萋不憖竹竿長嫋嫋佳
人忽自羅浮來中有梁陳多丽才雲霞被服三銖
剪蝴蝶文章五色裁風流攜得諸伎樂娥郎一曲

傳邊朔十番大小更誇人諸童新就吳儂學使君
淵雅最知音邀下樓船更鼓琴章句離騷殊未已
絃歌三百一何淡公餘祇欲尋高士荷葉荷花映
人吏著書卻笑葛稚川虛無但道神仙事

高州大水作

天決鑑江灌高涼一夕水高三丈強西南二門白
晝閉城中城外愁汪洋大雨滂沱不得止颶風吹
倒牛與羊千家號哭萬家走婦子盡同魚在罾白
波捲去南巴城煙火不知何處有蛟龍拔木山欲
摧潭中驚出雌雄雷狂夫欲渡不能渡中流浪打
被髮回二村已遭白牛陷挺劍我欲爲澹臺斬盡

水怪無凶災

龍門健兒行

龍門健兒身手強，綿木爲鎗三丈長。三人持一綿木鎗，風旋電轉誰能當。進四尺兮退四尺，挑起人馬半空擲。朔騎千羣喪精魄，前鋒夾以竹篙錐。三丈不足二丈餘，藤牌絮被滾如珠。三眼烏鎗洞鐵甲，繞指彎刀隨卷舒。焦銅鋒鏑塗毒藥，猛虎中之僅三躍。用短尤能精，用長縱橫擊。刺千軍，卻往日勤王義氣作文烈。張公恣揮霍，大小百戰似雷霆。長驅幾欲空沙漠。

柰何帝歌

有序

陳后主將亾國，鍾山羣鳥翔。鳴曰柰何帝，柰何帝。

柰何帝，柰何帝。風流亾國亦足豪，美人相抱井中墜。可惜井中水不深，美人不歿傷我心。淚痕化作臙脂痕，千秋漠漠苔花侵。苔花侵美人墓，在青溪陰不歿。臙脂歿，青溪可憐不作井中泥。國亾不恨恨，惟此山河不易一女子。

南海神祠古木綿花歌

十丈珊瑚是木綿，花開紅比朝霞鮮。天南樹樹皆烽火，不及攀枝花可憐。南海祠前十餘樹，祝融旌節花中駐。燭龍銜出似金盤，火鳳巢來成絳羽。收

香一一立花鬚吐綬紛紛飲花乳參天古幹爭盤
擎花時無葉何紛葩白綴枝枝蝴蝶繭紅燒朶朶
芙蓉砂受命炎州麗無匹太陽烈氣成嘉實扶桑
久已摧爲薪獨有此花擎日出高高交映波羅東
雨露曾分扶荔宮扶持赤帝南溟上吐納丹心大
火中二月花開三月葉半天飛落人爭接東風亂
剪猩紅絳兒女拾來柔可摺正及春祠百谷王神
靈不使馬蹄蹶還憐飛絮白如霜織爲縹布作衣
裳銀釵叩罷雙銅鼓歲歲看花水殿旁

放歌行爲潘子壽

丈夫五十髮未白痛飲狂歌真可惜神仙富貴兩
蹉跎徒作諸侯一賓客尉陀城南十月時梅花開
早菊花遲與君往往談王霸笑殺當壚嬌女兒我
在山中無素業清高亦與屠沽接道成不肯居神
仙氣使翻然作遊俠英雄自古一浮雲求道應從
鸞鶴羣有金且買東方妾有酒且醉信陵君縱心
寫意無不可聲色之中知是我天生我輩自長生
不似二豪爲蜾蠃

壽霍丈

天上有壽星飲酒輒一石人間有酒龍爲壽亦過
百君今六十興翩翩夢想廬山醉石邊講學十年
稱祭酒隱居雙嶽得飛仙山禽吐錦當晴日海氣

成樓在曉天杖策逍遙無不可酣來更拂落花眠

汪虞部以咂嘛酒惠莫舉姜賦謝咂嘛酒即蘆酒

舉姜本秦人平生愛蘆酒舉山玉泉與醴泉槐麩

釀之嘗在手截竹為筒一尺長舉夫相對吸天漿

注以玉女洗盆水糟中時有蓮花香自到嶺南蘆

酒少荔枝龍眼甜難嘗罇石先生知嗜好惠我數

罇手所造秦娥一笑忘他鄉粵客三杯通大道夫

婦歡娛曾幾時一朝蕙草先秋萎中聖中賢我不

忍含哀久與杜康辭先生憫念黃泉下蘆酒今朝

奠一竿馨香更用返魂燒清冷如將甘露灑恍惚

既醉朱顏酡姍姍來遲可柰何意氣未能忘賦客

精靈應解報恩波嶺南有荔枝龍眼酒

伶俐江口遇風作

北風吹舟衝石壁我篙競下如拒敵夾岸溟濛沙

亂飛中流洶涌石相擊舟破定知觸鬼神檣折有

聲如霹靂風狂豈可滿帆張長年不戒使我傷忠

信寧憂白頭浪笑談曾渡蓮花洋不須彎弓射潮

水且復橫槊賦詩章

寄贈高博羅

使君督宰羅浮西訟堂水接羅陽溪使君今宰羅

浮東浮砭高岡在縣中羅山為主浮為客羅與浮

分峰四百使君豈亦一仙山長與羅浮合精魄為

政風流近若何著書應比葛洪多仙方不屑言黃
白王道惟知保太和我別羅浮亦已久從軍欲出
飛狐口不似浮山有所依長與朱明爲戶牖當年
著得羅浮經欲待功成勒翠屏使君詞賦應多載
留照山中御簡亭

送曾止山還光福歌

炎洲之南天氣和梅花更比江南多梅花大宗在
庾嶺小宗乃在羅浮阿春來開遍枝南北萬壑千
巖花四塞梅花將軍越王孫謂梅湯沐正在梅花
國飛揚徃日破強秦沛公項羽資其軍臺嶺因之
號梅嶺梅花萬戶酬功勳風吹上天雪紛紛行人

遠望如白雲檀香玉蝶大可愛萼綠香氣尤氤氳
西溪鄧尉天下聞當年種自梅嶺分梅花子孫亦
太古光福一半今在君淮南作客胡爲者十月梅
花已堪把花片堪爲三月糧歲寒何用離花下太
湖萬頃當門前君歸更浮洞庭船莫釐縹緲二峰
接人家多種梅花田我將移居向慈里與君咫尺
梅花裏千年冰雪作肌膚欲學仙人姑射子梅花
豈是一塵垢鑄舜陶堯將以此

廣陵篇贈別吳鹿園

江北煙花是廣陵江南山水惟京口蕃釐觀左一
逢君欲典衣裘取清酒飛橋十五首紅橋夾岸蘼

蕪漸及腰才子偏來明月夜美人不見落花朝蕪
城一賦君能續更有冶春三十曲千載知音是紫
薇竹西歌吹傷繁促哀怨猶多楚性情荒淫未變
吳風俗山中雖有玉勾天日月長含第五泉兒女
但能催白髮英雄那得再青年

題陸天浥泰山圖

海中日湧聲如雷天門夜半鴻濛開天雞鼓翼波
震蕩金銀宮闕東飛來此時丈人峰上客日華噓
翕蕩精魄東君玉顏在咫尺扶桑萬朶紅復紅玉
女三千笑口同丹青雖神畫不得朝霞倏忽吹成
風千巖萬壑太古色秦代蒼余人不識圖成慎勿

置金箱留與人間見胸臆

題吳太守江山清嘯樓

在真州

江南山色渡江飛飛向君樓舍夕霏空翠不隨流
水去鴻濛忽化白雲歸吳興太守真州客日夕捲
簾蕩精魄舞影時翻天女花歌聲欲裂雷公石浮
玉雙峰架筆高芙蓉一朶一離騷六朝春色爲膏
沐萬里天風且羽毛

題周梨莊戴笠圖

梨莊本是青雲器四十於今猶未仕前朝文獻在
君家著作欲繼先公志秣陵藏書誰最多讀書樓
中高嗟峨据拾能箋五代史時談遺事如懸河董

狐有志我未逮三百年中誰紀載漢史應須屬紫
陽元人豈解尊昭代青溪水閣閒相期筆削相將
乘此時王猛猶能存正朔許衡那得配先師棲霞
之山好林樾更爲同人開理窟片言亦可成春秋
一畫自能知日月閒來戴笠將何之遺谷逍遙若
有思接輿髡首且相對佯狂於道亦良宜

讀李畊客龔天石新詞作

東風吹愁滿天地越客羈栖不得意攜家遠自南
海來十口飄飄無所寄秦淮一曲且僑居升斗之
水愁枯魚故人咫尺在幕府慰我饑渴三致書公
子多才年復少樂府能兼南宋調風流初見藕莊
詞與君宮體皆娟妙我方箋易臨河樓夢寐日與
羲皇遊新詞見贈不遑答精微空向畫前求南楚
好辭宗屈子學詩昔自離騷始含風吐雅數千篇
美刺頗得春秋旨艱難持向清涼臺一秋不視白
魚來聖賢自古皆寂莫文章於我誠塵埃聞君新
拔春秋疏欲爲唐人傳啖助多金鏤得授經圖功
在尼山流美譽交廣春秋我亦成南方異物多經
營陸賈山川未作紀嵇含草木徒知名長跪幾時
能請教知君博物有深樂花中錦繡足文鷄果下
金錢饒小豹收香書帶與相思賦詠惟君綵筆宐
我愧江淹才欲盡那能倡和及芳時

過黃俞邵藏書樓作

我生南海愁偏僻經史之外寡書冊扁舟遙至金陵城欲向名家求載籍黃君父子世藏書一室嘗開萬卷餘欲使文章歸性命豈將詞賦送居諸六經我道非糟粕天地精神於此託一畫能令日月開古聖神明必有作君家易疏幾青箱借我無嫌歲月長卦外始能知太極圖中亦可得羲皇君今繼述從何始應徵未與先朝史文獻無稽是此時春秋有志惟君子秦淮水長連青溪三月河房柳向西欲邀雪客同揮管吾學諸編更整齊我且濃磨方氏墨殷勤花下爲君攜

女兒葛歌

女兒十三髮覆額精工善作女兒葛花針挑出葛絲絲織成蟬翅弱霏霏一端祗得三四銖出入筆管輕且微十年一匹不滿機製爲夫婿乘涼衣日炙葛絲皺風吹葛絲舊兒郎惜葛絲莫當風日走寧無綺與羅是儂手所就

紫霞杯歌

陳藥長見贈

山之赤精石流丹巢繇服之生羽翰太玄赫黃作杯好持酌酥醪顏不老此杯不是芙蓉砂君應得自神仙家杯名甚美名紫霞雄黃一朵雕桃華連枝帶葉大如掌色似天桃花兩兩白石牀中無此

丹此杯乃是丹于長君今爲壽見君情自此觥船
不用擎百花仙醞頻催釀與爾林中日日傾

觀雲公所繪聽余圖爲葉平仲作

黃山之余天下無雲公寫入洞庭圖余聲捲起瀑
泉水散作天風落五湖洞庭東西二峰好玉柱金
庭棲綺皓當年縹緲莫釐間我亦行攜石公姥葉
子幽居偃蓋陰身如菟絲纏余林興公齋前已楚
楚華陽樓外還森森拂地參差多塵尾無生日說
如流水聲飛天外不因風千里蕭騷猶在耳雲公
最善繪寒聲聲自空生亦有情嘲嘈忽似蘇門嘯
諧會琴音滿太清

送洪氏兄弟讀書黃山白龍潭

余余倒懸數千尺身似藤蘿纏怪石有時怒隨雷
雨飛三十六峰腹盡坼洪生兄弟性愛余讀書各
據一芙蓉黃山本是白雲海余樹大小皆神龍羅
浮七星餘作道士邀子每道神仙事繇來變化本
無情性盡自然天命至汝師汪子在天都曾見軒
轅得道無莫浴湯泉生羽翼且將石筍作携蒲言
兵實自軒轅始八卦神機連甲子峰峰布列是陣
圖白雲出沒爲旗幟陰符不用更鉤深象數之中
總可尋讀易自應知戰法裁詩且復遣愁心

石公種余歌

石公好寫黃山采采與石合如膠漆采爲石笋拂
天來石作采柯橫水出涇西新得一山寺移采遠
自黃山至髯猿一个似人長荷鋤種植如師意師
本全州清淨禪湘山湘水別多年全州古采三百
里直接桂林不見天湘水北流與瀟合重華此地
曾流連零陵之采更奇絕師今可憶蛟龍顛我如
女蘿無斷絕處處與枯相纏綿九疑枯子日盈手
欲種未有白雲田乞師爲寫瀟湘川我枯置在二
妃前我居灘南憶湘北重瞳孤墳竹嫵娟湘中之
人喜師在何不歸掃蒼梧烟

寄汪扶晨

黃山之麓有潛溪君家溪口花竹迷飛書招我謁
軒后三十六峰素手攜行至蕪陰車忽止六月盛
暑汗如水安得風捲朱砂泉飛來爲我易毛髓膏
淳黛蓄白龍潭雨中噴薄當花龕諸泉盡自湯泉
出未若潛溪味最甘寄我紫霞茶不寄潛溪水活
火自真時相憶情難已我在秦淮日舉杯糟丘何
處不蓬萊酒星最憶青蓮客獨溯風流采石來誰
作長歌贈太白任華才氣真詩伯去年汝惠一長
篇卷起西江瀉精魄丈夫叱咤本非常戰法往往
寓文章五兵相救乃神變用短從來兼用長天生
汝筆能雄放青蓮未是丈人行處處金焦砥海門

篇終始得波濤壯

短歌贈別陳子

丘園著書久寂寞
茫茫周蝶誰先覺
虹霓為帶佩
華星欲舍愁心遊
五嶽五嶽迢迢路
不通何如高
臥謝鴻濛仙人
祇在玉壺裏
無為之化如重瞳
伯樂無煩治天馬
貌姑不待御飛龍

送客上廬山

廬山之奇在瀑布
飛流千道穿雲樹
峰峰皆有呂
梁洪漁父濯纓子
濯足送君直上芙蓉屏
俯視天河若建瓴
狂來莫點神龍眼
恐挾風雷下四溟

題欽子五芝圖

二十四種黃金芝
我昔羅浮皆采之
此芝一莖五
枝秀君今圖此
將何為君能服食
自不老丹砂不
若紫芝好園綺
當年餐紫芝容顏
得為君王保

白鵬篇柬蕭山周子

炎方珍禽有閒客
白鵬號雌者純丹雄者白咫尺
烟霄未可飛羽毛
幸有高人惜君有文章
亦孔鸞南來此地求
瑯玕荔支絕勝丹砂
好肝瞻還如玉液
寒不必金裝如陸賈
珠蘭瑤草應長把
南方艸木疏成書
芭蕉葉大堪揮灑
生日何妨舉一杯
如君真未愧瓶壘
冉子情多頻請粟
皋魚淚盡只銜哀
聖明湖與湘湖接
紫萼甚美多莖葉
高卧蕭然

名山一故人

謂蔡大敬

豈有療饑芝燁燁與君懷望每臨

風何時歸去同漁獵

爲王璞菴題騎白鹿圖

白馬小兒竊天祿青牛老人去函谷君今白鹿行
翩翩豈爲茅山高卧足乾坤此日尚鴻濛王霸雌
雄一笑中他時憶我羅浮頂可有風雲起伏龍

贈陳藥長

神仙中人誰不羨羨子朱衣方拭面點漆凝脂是
右軍瑤林玉樹如王衍日日彈棋用拂巾時時作
艸多團扇新詩更播寶安城前輩風流不敢輕太
白最能歌進酒張衡還解賦同聲我過每談風雅

旨三閭婉順真君子誰道離騷乃變風可憐忠厚
心無已遺音千載有君知日日絃歌是楚辭爲言
乃祖多忠憤蒼梧昔逐翠華遲事去捐軀沉桂水
愁來作賦續湘纍大節表揚猶未得求予作傳傳
京國每聞人誦懷沙篇感念先臣淚沾臆今朝娶
婦思承宗敬爾威儀玉帛從壻如葛勃應無恨女
得陳豐復有容紗扇披時驚似月香車乘處喜如
龍爲君敬進新婚箴性情之際難處心令祖爭光
同日月慈孫繼志在高溪燕婉定知長不惑忠貞
自此世相尋

九日過李十一二耆山房賦贈

白晝婆娑古樹下華堂無事招儒雅蘇門高士過
彈琴天寶將軍來畫馬此日重陽黃菊開寂寥餘
我登高臺被髮狂遊人削跡持觴高論爾憐才江
山戰後秋無色天地窮陰消不得周王兵士化沙
蟲漢代衣冠委荆棘君家殉國有難兄散盡黃金
事不成春令空抱萇弘血鴻雁猶吞伍尚聲我在
山中無素業一遇屠沽歡笑接道成不屑居神仙
氣使翻然作游俠爲君題詩花萼樓羽聲慷慨誰
不愁

軒轅二帝子別業作

七十二峰不相離兄與弟今共治之兄在禺南弟

禺北峰峰相對不參差一禺君臣自太古三峽長
爲湯沐土軒轅龍馭迥難攀徒爲君王畱洞府榴
花五色紅氤氳阮險枝枝拂澗雲楚客悲思惟帝
子南人俎豆獨夫君

仙人

仙人餌飛魚暫死百餘年蹶然起鼓掌玉容如霞
鮮飄颻入東海長揖謝軒轅我尋其蹤上太嶽元
氣鴻濛無晦朔天鷄鼓舞向我鳴忽然日月生兩
角回首人間塵垢多金囊玉匕將如何

東湖走筆寄詹明府

東湖水似鏡湖水一片荷花不見天更有荔支千

萬樹離離朱實含霞鮮孔雀銜過水簾云有時落
在美人邊彭洞繽紛灑冰雪羅浮縹緲飛雲烟主
人乃是名吏部風流日日蕩湖船朝從蘭若求支
遁暮向檀槽覓小憐畢卓已多甕頭酒山公還有
竹林賢竹林之下誰名飲興來我亦清狂甚醉卧
當壚紅粉旁落花無數沾衾枕長嘯一聲遠寄君
君在浮丘聞不聞漆園傲吏爲蝴蝶勾漏仙人擁
白雲

讀杖人師武夷遺草因懷武夷虎嘯洞諸勝
我昔遊五嶽身騎二茅龍驚風忽然起東海日月
吹落金銀宮愁將白髮三千丈歸去朱明四百峰

朱明洞裏多仙客餌我雲母顏光澤時偕玉女侍
軒轅不共安期千項藉聞鐘又復證無生足踏空
王頂上行冲霄一劍如秋水徹夜雙簫響太清飲
光尊者頻招手飄然遂至鳳凰城尊者玉毫何宛
轉手把芙蓉微笑展可憐樓上相見時玲瓏秋月
珠簾卷江南亂後草離離回首青山愧我師未將
電足酬支遁空對冰絃憶子期當時語我武夷好
九曲清溪流浩浩接筓峰前多紫雲飛猿嶺上饒
芝艸幾度安禪在翠微天花繞座鳥銜飛茅戶只
今委苔蘚嗟予振策何時歸空讀遺書開玉篋太
山頽矣傷何及姑射仙人不降生茫茫天下皆臣

妾蘇門一嘯如鸞音散入天風不可尋
憑誰寄語武夷客會取高山流水心

送李十還晉康山中

尚平五嶽遊初返四十爲農殊未晚
安得田園湖海傍朝朝暮暮雕胡飯
晉康山水天下稀君家洞口泉爭飛
文章自可娛慈母富貴絲來在布衣
君行爲結采間屋相待明秋住翠微

答姜十三送遊天台之作

昔我隨遠公幽居廬山南香鑪峰下水濯遍
十三潭采蘿花開覆盤石卧視秋雲天外白
秋雲舒卷本無心忽向天台弄素琴逢君散帶耶溪上贈我
幽蘭積雪吟我有雙白鶴欲放沃洲山朝啄蒼梧
之珠塵暮隨明月東海還期君來聽九皋唳天籟
清寥非世間

西樵歌

西樵山何聳峙蛾眉之孫羅浮之子霞城乳竇碧
玲瓏千尺珠簾挂秋水仙闕遙開白日邊人家盡
在桃花裏我尋羽客到錦巖盤旋磴道上采杉月
明一嘯驚鸞鶴飛入青冥瀑布南

淶水曲

二月鏡湖春桃花開玉津無數紫鴛鴦飛繞浣紗
人浣紗殊未返搖曳春雲晚月出白蘋洲烟生垂

柳岍垂柳依依在月中可憐嘶斷玉花驄輕風忽
引羅衣去一曲菱歌聽未終

將歸東粵省母畱別王二丈亶祁四丈駿佳
磨劔未屠龍彎弓未射虎鬱抑英雄姿念我有慈
母白雲東去復西飛萬里羅浮今又歸白雲散盡
露秋月炤見高堂鬢如雪鬢如雪兮我心憂孤鸞
朝饑鳴啾啾惟爾仙人居射的可有玄梨應我求
錢塘之水入澥流蒲帆明朝去悠悠回首山陰最
相憶骨青髓綠園綺儔只將一片盤龍鏡長挂君
家十二樓

題山陰祁五祁六藏書樓

夙聞治水經銀泥封綠字龍威丈人招我遊林屋
洞中探玉笥白雲瀾瀾洞庭波七十名峰奈樂何
長風吹我至禹穴猿啼虎嘯依藤蘿秦皇碑愛蟲
文古夏后書愁鳥跡多平生竊慕柱下史列國寶
書求未已聞君家書萬卷餘欲向瑯函作蠹魚志
在春秋希魯叟才堪辭賦薄相如邇來頗究太公
符每恨荆軻劔術疎築壇天日步珠斗一龍一蛇
左右趨聞君藏得鍊劔圖時時風雷起座隅慷慨
肯授英雄無鑑湖之水多芙蓉日捲珠簾樓上居
天下戰爭猶未已請君亦讀孫吳書

四百三十二峰艸堂歌有贈

君不見羅浮秀出朱明天璇臺萬仞閭闔連石橋
如絲橫絕頂往來者誰皆飛仙我年十五芙蓉妍
麻姑攜手相纏綿服食青霞猶未畢忽見海日如
金盤悟道直出軒皇先喜君清爽有仙骨凌峰相
尋白雲間白雲兮翩翩蝴蝶大如車輪然衣裳五
彩眷連卷雙棲池中千葉蓮我嘗乘之訪稚川大
笑世人鍊金丹淮南八公來周旋角髻青絲如童
顏教我含精御六氣白兔長跪獻一丸形見神藏
龍蜿蜒內聖外王體自然仲尼不及姑射仙黥人
仁義徒多言吾心皎皎秋月圓一死一生如浮烟
鶉衣穀食可忘年何爲煩憂著太玄聊與君遊遊
不還

有所思

我有花宮在羅浮水簾千尺懸滄洲仙人教我吹
玉笛一曲未終鳳來遊鳳兮皎若峨眉雪口銜芙
蓉向丹穴因之萬里蓬萊飛回首故都心斷絕心
斷絕兮不能持故都禾黍已離離折盡扶桑拂日
枝重華何處就陳辭曾將玉珮投湘浦欲采珠塵
向九疑九疑聯絲在何處斑竹陰森山鬼語明月
中宵出洞庭炤見皇英之二女瑤瑟聲聲怨別離
霓旌颯颯吹風雨白龍魚服幾多時玉殿淒涼仗
數移將相幾人畱島嶼君王何日出蠻貊可憐五

色飛龍馬無絲扈從到瑤池落花寂寂愁獨處浮
雲渺渺長相思

羅浮放歌

羅浮山上梅花村花開大者如玉盤我昔化爲一
蝴蝶五采綃衣花作餐忽遇仙人萼綠華相攜共
訪葛洪家鳳凰樓倚扶桑樹琥珀杯流東海霞我
心皎皎如秋月光映寒潭無可說臨風時弄一絃
琴猿鳥啾啾悲楓林巢絲不爲蒼生起坐使神州
俱陸沉

會稽春暮酬南海陳五給諫懷予塞上之作
兼寄西樵道士薛二

我家扶桑下日日見東君遣我紫瓊花風吹落白
雲白雲泱泱起南海蓬萊宮闕須臾改往日三千
玉女羣祗今惟有麻姑在與君攜手入羅浮瑤琴
一曲難消憂綺季終當扶漢室張良未得報韓仇
君家相國奮長劍曾捧軒轅出金殿嗚嗚吹角爲
龍聲大呼玄女來助戰蚩尤未滅妖氛多可憐碧
血歸天河君棲蘆中凡幾日悲風吹斷鶴鴿歌神
虬久蟄無人識黃鵠高飛奈我何高飛忽向天山
月月炤天山皎如雪丁零爭獻葡萄杯蘇武共持
青海節鴻鴈南從大庾回口銜尺素落龍堆開緘
未讀淚沾臆城上吹笳淒且哀處處牛羊銜白草

紛紛雨雪下輪臺問君塞上胡不來當時勅賜有
龍媒投筆曾無班子志吹篴寧讓伍胥才新詩字
字瑯玕重何時艸就西樵洞西樵道士劔俠流應
共悲歌擊銀甕春風三月梨花飛我遊禹穴方思
歸黃鶯關關啼碧柳萬里鄉心連翠微誰憐寂寞
耶溪上淚洒西施金縷衣

木綿花歌

廣州城邊木綿花花開十丈如丹霞燭龍銜日來
滄海天女持燈出絳紗樹樹雙棲孔雀暖枝枝交
映扶桑斜仙種珍奇世希見受命天南絕霜霰漢
帝曾栽扶荔宮越王爲造珊瑚殿月下紅侵舞女
衣風前香繞畱仙宴回首春深怨杜鵑榮華寂寞
淚潛狀殘英化作天山雪飄落胡人玉笛邊

贈張丈天生

八月鷓鴣鳴愁雲何浩浩長余生路匆不如高岡
草夫子擧芳逢此時饑來可有金光芝自堪絕粒
同龔勝誰向披裘識啓期中原戰爭方慘淡鹿門
山上多冰鑑誰爲伏龍與鳳雛我欲從之問陰符
兼之風角天文書佯狂予非高陽徒九齡好道守
丹爐丹成欲濟蒼生厄未逐軒皇升鼎湖鼎湖龍
去亦已久我尋衣冠往天壽鐵壁斜攀湯嶺西銀
山直抵居庸口荆棘縱橫虎作羣守陵不見羽林

軍花落錦城哀望帝月明瑤瑟怨湘君一絲正統
懸天地六尺真孤托水雲離憂我亦同山鬼思靈
修兮紛流涕靡蕪采得貽何人念爾丘園白髮新
葛巾定漉陶潛酒渭水應垂尚父綸垂綸兮千尺
漉酒兮百石莊周蝴蝶和天倪醉後安知朝日白
精衛行
重瞳孤墳在何處青鳥銜珠淚如雨海思雲愁爲
別離道逢精衛邀相語日日填河力已窮凌霄未
得羽毛豐荆山之玉君休抵待雪深冤天地中

春日懷白華園

櫻桃花發吳溪香客裏看春黯自傷可憐海燕差

池羽挾子翻飛歸畫梁我家遠在番禺縣此日春
人事遊宴翡翠城邊柳正垂琵琶洲畔鶯初轉舊
栽梅樹玉堂邊我母折梅大士前采風隔水吹朝
梵山月含霜炤夜禪一別鄉園經四載浮雲舒卷
瀾滄海五色明珠不肯投千金七首依然在紛紛
天下逐雌雄安期枉去說重瞳仙人本爲蒼生出
大道難令濁世容楚客空知笑衰鳳葉公不解好
真龍徘徊岐路將何適采采芳蘭三歎息弱弟雖
承菽水歡鮮民未盡耕漁職鴻鴈飛飛向塞天誰
憐落羽屢驚弦弋人應念銜書苦萬里飄零非偶
狀

張二丈畫馬送予出塞詩以酬之

我棲羅浮四百峰十年學道師老龍忽覩扶桑上
紅日真人飛出藥珠宮邇來劔得白猿術登臺嘗
舞雙芙蓉清泉白石心已厭慷慨欲遊關塞中憐
君少小事遊俠智勇深沉慕荆聶悲來每叩玉壺
歌酒酣頻向南山獵平生畫出真驍驪將尋天子
崑崙丘萬里風沙開縞素千羣汗血騁王侯今朝
聞我天山去停杯不覺淚如雨可憐陌上握別時
桃花亂落黃鸝語黃鸝睨睨不堪聽離家去國怨
孤征白草連天過鹿磧黃雲蔽日向龍庭不是摩
騰取貝葉將同介子持長纓歎君五十無知己黃
金散盡慚妻子不能杖劔遠相從猿肱燕領徒爲
爾空將秃筆掃龍媒送我直上單于臺神駿已居
曹霸上鷹騰肯讓衛青才紛紛世上皆凡馬如此
騏驎空冀野爲君攜出玉門關戎王慙奉千金價
秋夜懸軍瀚海西哀笳吹月馬頻嘶此時思爾茅
堂裏賦就饒歌待客歸

歌贈金谿鄒子

丈夫生世何坎坷佯狂爲奴誰識我當年賃作向
朱家此日棲遲尋紫邏雲蒸龍變在何時憐君白
髮亦成絲君臣之義不可解欲報何須國士知國
士雄才天所產楚漢紛紛那在眼子房本是烟霞

人萬里青天任舒卷舒卷何渺茫登臺飛羽觴時
哉雙黃鵠與爾相翱翔

那旦道中作

孟秋九日寒無比東西南北颶風起陽春道上不
可行吹我僕夫僵欲死有車旣陷泥淖中有馬亦
倒溝渠裏雨挾驚沙撲面飛征人溼透苦無衣黑
雲一片橫天盡紅葉千重見日希登高四望無烟
火白石蒼苔滑殺我但得天晴到夕陽自有人家
當道左

放歌別戴十一

今朝春暖桃花多爲君張宴烹明駝酒酣慷慨高
唱發死生有命奈誰何王孫當日出袴下含羞忍
恥非無故北溟魚起須扶搖南山豹變繇烟霧君
今貧賤何須愁才氣無雙天所畱莊躋人肝可分
食伯夷薇蕨且莫憶隱忍終酬國士知深沉不必
時人識紛紛天下無賢良豺虎皆化爲侯王我今
挽弓三石強欲射不射心傍徨傍徨兮何極臨岐
淚沾臆王陵有母髮垂白遇難不能供子職知君
肝膽如青天甘肥可託供朝夕鷲鳥將搏先戢翼
聖人將動必愚色丈夫所患獨無身我今且就朱
家匿

贈張損之

秦淮之水連青谿君家芙蓉出水齊性好丹青作
花卉含毫多在蓮葉西張顛白日老閒事中散青
霞鬱奇意畫出芙蓉天下無葉葉花花香撲鼻舊
院風流往日多沙嫩清簫傳壽歌齊梁艷曲爲君
唱求畫芙蓉日夕過長板橋邊明月滿脫家十娘
開別館棗花簾子捲晴雲邀畫芙蓉香更薰千錢
一幅傳都市一時好手誰如君只今王謝俱零落
青樓歌舞不復作桃葉渡頭空夕陽東華園裏無
紅藥君家寂寞在溪潛南朝逸老無人知頓揚二
姓紅顏盡那有犀簪供畫師君且據梧復隱几繁
華銷歇毋多悲

藥地禪師於青原得一瀑布名曰小二疊泉
請予題長句

聞道青原新瀑布奔飛絕似匡廬山匡廬瀑布推
三疊一半移來烟霧間大士無心偶開闢掛出晴
川數千尺說法無煩玉塵揮日夜雷聲喧石壁康
王谷裏水簾長玉鏡潭前白練光昔予散髮卧其
下灑面冰花涼復涼黃巖更比石門好香山亦有
銀河倒天風吹斷落彭湖散作金波千萬道平生
最愛是飛泉處處飛泉弄紫烟天台鴈宕都奇絕
未若青原更可憐

八月十八夕風雨歌

去年八月十八夕前年八月十八朝寶帶橋邊觀
串月錢塘江上弄驚潮今年此夕何蕭索秋雨萍
澎沉月魄萬里銀河水倒飛千條瀑布天爭落吹
笛空爲壯士聲何時一戰似雷霆沙場後夜逢明
月會有葡萄醉衛青

題鍊橋丈畫鷹

鍊橋老人七十五畫馬畫鷹力如虎此幅角鷹何
飛揚漢代郅都非其伍颯然持出當秋天林間不
敢有毛羽鷗如車輪空作羣金眸玉爪不如君杉
鷄竹兔方紛紛何時一擊開邊雲

贈衛山人

衛子興來書自聖鸞驚鳳舉繇天性彎弓昔作李
將軍擲管今爲王大令虎豹雄姿可奈何無因血
戰出朝那林泉處處成高隱絲竹時時間浩歌我
今學書費毫素下馬何時草露布君家夫人筆陣
圖與爾經營及遲暮報恩況復有文章經世何妨
向烟霧

浮丘修禊作

朱明門戶是浮丘浮丘丈人昔此遊采藥相攜浮
丘叔時從洞裏入羅浮挹袖堂前花幾處春光一
望消愁緒雲霞十里蜃樓臺錦繡二城龍子女今
晨上巳是佳晨與客傾壺坐草茵偏霸不須爲武

帝清狂且復作仙人

尉佗自稱南越武帝

過長壽院

尉佗城邊長壽里古寺前臨白鵝水家家薤菜有
浮田處處鱧魚歸大市鐘磬聲隨山雨來菩提壇
接越王臺石門南對紅樓出珠浦西連紺殿開師
向人天無可說諸方盡讓琉璃舌丹青一一是無
生詞采紛紛洞冰雪自種花多灌美泉頭陀苦行
在花田不須天女頻來散終歲花開冬亦妍林塘
曲曲通潮汐鷗鳥時來爭坐席童子歡娛足白鷗
老人變化多黃石相對空天月上時海光如見杖
人師曾分寶鏡雖無用欲舉青蓮亦有期

送蠟石行

峨峨七尺高舉身峰巒不起已嶙峋黃雲之根白
雲蒂色如蒸栗温且純展轉豪家不得出移來丈
室辭埃塵老禪摩娑日三四蒼余所化何輪困殉
葬將同瓊子骨沙彌薰用戒香新西府海棠梅綠
萼交陰左右當芳春墨痕溼潤少苔蘚蟲書鳥跡
長逡巡英州玲瓏似斧鑿天然輸爾玉渾淪東安
舊令忽見奪十夫難挽如有神泣別空王向垢濁
齊奴金谷多青燐東安縣中富奇石參天一一斧
劈皴崆峒穹窿諸石笋君歸何不隨車輪大峰小
峰充囊橐猶勝鉅萬朱提銀我聞巴縣陳石丈

子名

達順德人臨行石犀泣江濱縣中財物盡捆載石
嘗宰巴縣犀獨留何不仁石丈當時亦愛石巴縣石皆充下
陳死時尸蟲流戶牖石雖在旁如路人噫吁嘻石
雖在旁如路人會見汝卧當荆榛匹夫只今盡懷
璧爲官自合多奇珍石兮好去休酸辛不久復與
高禪親九曜之石尚顛仆馬蹄踐踏峨與岷禪王
苑囿委蔓艸菹醢未足謝吾民蛟蜃子孫絕遺種
報施往往勤高旻嗟爾一卷何足道頑冥豈得長
錦茵

題李韶州種竹圖

韶陽幾載行無事九郡如公真卓異手種篔簹翠

映空鸞凰欲爲神君至瑯玕截取作清簫吹出元
音滿紫霄冉冉重華仙馭降紛紛韶石彩雲朝九
成臺畔行春早甘雨隨車禾麥好孝慈更使竹多
孫六縣謳歌慰尊老朱幡露冕下佗城貴倨應淡
捉吐情有道豈須妹子告多文猶恐使君輕

揚州女兒行

揚州女兒雪花命飄到炎天花不病
爲衣珠海波光懸作鏡嫁得風流號璧人關關繡
頸日交親白髮爺孃憑養老生兒那得有金銀爲
妻不若爲姬妾拋擲紅顏輕似葉葉如桃葉有人
爭王郎自解親持楫世上如無漁色人阿翁豈免

空箱篋

貧家有女卽銀樹一朵瓊花人競娶女兒嫌老不
登車泣向雙親淚如雨阿孃好語慰妖嬈祕戲歡
娛得幾朝此翁早遣黃泉去更向豪家渡鵲橋青
春不悞都絲汝卽使生兒何用舉桃花不惜傍枯
楊爲展春圖師素女絲來鬼伯在揚州催命家家
紅粉樓少年尚可迎桃葉老大休教買莫愁

送尹生北上

虎門潮長催舟發君行萬里辭揚越尊老京華啓
事時殷勤省覲當雙闕荔枝蕉子釀酥醪霜蠅雪
螺多水膏持獻堂前復鯊翅故鄉風味及同曹堯

香朝夕薰衣服生結清甜兼水熟知燠知寒及自
公聞詩聞禮乘休沐春誦秋絃太學中能將三德
教童蒙仇香定得諸儒敬郭憲元將六藝通少年
立身須及早出事公卿先有道貴郎未足累相如
辭賦何如銅臭好一尊相送鬱江湄莫向鶯花惜
別離越鳥懷南無遠志蠻驄歸北有雄姿爲語故
人王祭酒翰苑朱吳諸好友高懷倘不嚇鸚鵡應
寄新詩來隴畝

荅李五稔

李五聰明近無比示我奕訣有精理自來奕數準
圖書圖生書克相表裏神堯作奕教丹朱與羲畫

卦形神似李五之奕今國手京師讓人恒九子以
吾學易知象數畫前所得惟心耳君今久不事楸
枰天地殺機從此止易尚生生造化心以視圍棋
殊不爾吾儒用陽老用陰變詐豈足為綱紀君今
所學在至誠大經大本期無倚閉戶靜觀天與淵
化育定知所終始時時講習有羅顯胡方阿兄樗
亦契中庸旨袒跣莫復爭樗蒲半日讀書半隱几
况汝岐黃術亦精為醫豈惜居塵市誰道仙人有
玉壺玉壺於我亦泥滓

堂上行

堂上老人七十九絕似麻姑能飲酒白髮垂垂亦

至腰梳頭輒命梁鸞婦小婦鬢雞雞頗肥大奴斲
筍未曾稀果甘最愛芭蕉實花好時簪茉莉圍當
軒一樹沙梨熟男女孫雛分亦足畫眉兩兩鬪歌
聲護艸紛紛爭一束驥子先教三字經熊兒早誦
九春曲春來日比人間長舉杯勸日休飛光聽泉
之妣百有四滄洲處士八旬強我今母子如能似
亦為吾族一禎祥吾十一世祖妣周聽泉處士之
配也年百有四歲子滄洲時八

十餘歲

畫蘭行

張公畫鷹勝畫馬蘭竹尤精知者寡蘭師乃是程
六無竹亦仲昭始能寫寫成輒乞我題詩墨花如

雨爭淋漓我欲學蘭蘭不就馨香難寄所相思多
日湘纍音響絕紫莖綠葉無人說枝枝畫出亦離
騷彷彿瀟湘見風雪蘭膏細共露華滴蘭芽亂向
春泥茁徑蘭一箭五十花羅浮生長美人家花多
人疑是蕙艸花少乃是真蘭葩爲蘭爲蕙總芳芬
蘭蕙絲來本一身畫手寫多休寫少一花卽是一

幽人

乞研行

羚羊峽東惟端溪水巖之口臨江低石師匍匐下
絕磴中穿四洞先東西使君最嗜紫雲片脚踏青
天割爲研青花細細似微塵蕉葉白中時隱見空

濛雨氣成黃龍欲散不散浮水面猪肝淡紫方新
鮮帶血千年色未變中間火捺暈如錢半壁陰沉
望似煙翡翠朱砂非一種斑斑麻鵲點多圓斯是
水巖石中髓水之精華結淵底就中純粹含乾德
紛紛脂玉漸肌理入手溫然煖若春浮動心花兼
意蕊姑射冰凝總在神昭儀膏滑那濡水玉骨雖
剛按似柔生氣周身無不靡鸚鵡何須活眼多雲
霞亦是空天滓使君命匠細磨礬中有三方最高
美其餘浸潤水盤中水碧金膏盡糠粃分我東洞
一大巒似方非方非石子縱橫六寸甚端厚蕉葉
青花相間起前者兩片琢未成贈我已與瓊瑤似

使君割愛本非常不貪爲寶吾難已連城之壁安
希求靦顏未免秦人耻何物能爲十五城賦詩適
自呈媿鄙使君作者本多才笑我布鼓持當雷不
須狡獪憑詩筆自有神明契合來

寄薛二

君戴芙蓉冠幾日羅浮返芝房白玉童應笑學仙
晚我在天台讀道書春風三月悵離居盈盈一片
流花水欲共琴高駕鯉魚

東西二樵山有如日與月相望不相知夢魂常恍
惚四百餘峰高復低難將七十二峰齊飛橋恨不
長千丈朝向東樵暮向西

東樵四百三十二峰西樵七十二峰

翁山詩外

卷之四

番禺 屈大均 撰

七言古

追荅王學士廬山篇見贈之作

我昔廬山尋瀑布香爐峯上披烟霧白雲無事早
知還欲共淵明奮高步淵明醉石橫溪邊九疊屏
風三疊泉飲酒正憐重九日聞鐘忽悟遠公禪吾
心皎皎如秋月照映寒潭無可說何妨變化若浮
雲自有光輝含積雪沙門束教非高士吾今況尚
爲人子養母宜畊十畝田求人欲著三朝史簡君
勸贈廬山篇廬山回首淚潺湲遺民此日成通隱

嘯傲王侯亦偶然

聽琴歌

匡廬瀑布三千尺飛入琴中如霹靂蘇門仙者聽
無聲一任崩雲兼裂石嶧陽桐樹爾何求不遇簫
韶返故丘明月從來不妄照孤雲何事亦羣遊

錦石歌爲梁芝五作

匹夫守志如磐石采山飲河聊自適五色文章世
不憐散作金膏和水碧梁芝拾得滿數斗云自銅
陵大江口他年持獻女媧來西北天傾復何有

題伍子胥傳贈友

丈夫忠孝難兩立此身一死真可惜雪恥當爲伍

子胥歸仇莫作徐元直鹿生於野命繫庖時危那
得適樂郊干將大阿不自握爲人所戮非英豪君
今何爲戀兒曹及時建鉞擁旌旄騎虎之勢不可
下負恩人是報恩者

題衛叔卿博臺

昭王舊作鈎梯處武帝嘗求博戲人羽蓋雲車何
婀娜花臺石笋復嶙峋強梁自貴欲相臣何足語
之大道真紫芝老父曾逃漢飛兔先生亦卻秦紫
霧濛濛絕壑裏閒持六箸對天神

玉女峯觀洗頭盆作

東峯傍削一高臺玉女嘗乘白馬來玉盆潛通黃

河水鬢髮沐罷光徘徊我來日月蕩精魄飛蓬自
愧無膏澤黃陵昔戀湘君祠太華今憐玉女宅聖
賢發憤詩三百風雅洋洋多好色公子應知憔悴
人三閭非是荒淫客

題王山史獨鶴亭

仙人騏驥是胎禽千歲丹砂入頂深聞爾浮丘能
相鶴孤飛忽至華山陰華山三峯削青天白帝金
精育大賢黃河萬里入胸臆文章一瀉如雲烟我
本羅浮五色鳥化爲仙人出炎嶠狂歌不逐衰鳳
遊高舉時蒙斥鷃諂聞君好鶴鶴亭居九臯清唳
爲君娛攜持杯杓來相就驂駕煙霞遂共驅共驅

直向華山巔鶴兮起舞何翩翩衣裳皎若玉井蓮
何殊玉女臨樽前

飲王氏漱園醉賦

華山谷口雲茫茫尋君臺館玉泉傍閒揮玉麈論
秋水莊襟老帶何清狂朝邑美人善歌舞荊州處
士能壺觴飛揚且任神龍性溫柔何羨白雲鄉白
雲變化何時息人生壽命有時極努力讀書與好
色明星玉女日侍側

丙午夏日將同李天生之雁門道過蒲城飲
米侍御園亭卽事有賦
蒲城六月火雲高行人飛鞚尋東臯大夫射雉有

遺處臺榭陰陰風雨聚金粟堆南問二陵堯山谷
口迷千樹主人驄馬早歸來敕賜芙蓉對客開前
席少年籌漢罷上林高士望京廻驚鴻流雪慰摧
顏醉揮漫水入金杯同心藕使冰盤滿壼蒂花教
玉管催織女多情銀漢度匏瓜無匹心相如矢志
聊爲聲色荒求仁不被神仙誤歌長燭短夜無多
明朝秦晉阻黃河鴈門深入胡天雪回首西方憶
綺羅

古丈夫洞草堂歌

并序

歲丙午之春予遊西嶽於北斗峯得二洞一曰
古丈夫洞一曰毛女洞心甚喜之將結艸堂於

其間以爲率山自青柯坪北至三峯其壁之穿
而爲坎者可容趾二分爲嶺者容指二分用指
之力嘗多於趾歷千尺峻百尺峽老君犁溝仙
人砭蒼龍嶺諸處雖絕絕嶮峭然皆遊人必經之
路而此二洞在嶽西絕壁間可望而不可卽遊
人必不肯枉道以問焉吾結草堂於其間是天
之所私以與我也且其洞又曾爲古丈夫毛女
所棲夫古丈夫秦之賢者以始呈滅二周之故
遜入西嶽而毛女玉姜爲秦宮人亦以秦無道
負琴入西嶽與古丈夫服枯葉飲泉以老吾之
所遭庶幾古丈夫嗟而吾妻秦女也亦慕高隱

今結草堂於二洞與吾妻踐古丈夫毛女之迹
則斯二洞也前有古丈夫毛女後有吾夫若婦
天之生斯二洞爲不虛使志西嶽者采之其可爲
傳何如也且吾昔者爲西嶽詩百韻秦人李天
生見而悅焉持以爲寔修吾故得吾妻夫昔以
西嶽得妻今以妻還西嶽西嶽之大有造於予
安可忘乎於是予更字曰舉夫而吾妻曰舉姜
草堂旣成舉夫種古丈夫之松柏舉姜彈毛女
之琴人望之咸以爲仙舉夫笑曰否否乃爲草
堂之歌曰

丈夫非仙人毛女亦高士相攜向白雲欲學采薇
子天生兩洞如鴛鴦西臨太華東首陽女蘿飛花
蔽洞口雙棲人在洞中央草堂之中何所望有美
一人持玉漿巨靈掌上石樓長水簾捲起見明粧
草堂之中何所服石髓金精滿巖谷古松千歲吐
奇光夜如荷花晝牛日

田三丈席上歌

今夕何夕醉頻陽王翦祠前堪斷腸美人一雙紫
鴛鴦願隨長風共翱翔秦箏慷慨西氣溢燕歌變
轉南魂失富貴須歸始射人神仙肯作湘纍匹往
日人傳好色名南求交趾東遼城交州美人珠鬢
送遼陽美人貂裘迎只今袂袂情難已溫其如玉

慚君子羽釵旣望遠遊冠牙牀敢展合歡被

雁門送客

君在雁門北我在雁門南雁門八月紛霜雪何事
征夫繫玉驂桑乾水遶長城遠句注山含秋色晚
塞女吹殘箏篋聲舉杯勸爾江南返江南春色在
君家早將妻子別龍沙樓臺更向秦淮曲日對天
桃幾樹花

送孫丈歸黃山

君何不向黃山歸君家有枯大十圍格外一天雲
氣濕枯間百道瀑泉飛我思三十六翠屏復愛枯
兮長青青安得隨君入杳冥君爲兔絲我茯苓相

與枯兮至千齡

去年東嶽兼西嶽來往真如天際雲今日黃山遊
不得三十六峯空待君君歸好向湯泉浴會見骨
青而髓綠容成教以駐年方服食虛無坐紫床道
成相與隨軒皇

烏蠻大灘謁伏波將軍祠代景大夫作

亂石截流數十里大石生人小石死水小不險水
大險穿舟最患石齒齒水石喧闐闐不開水崩石
裂聲如雷兩岸青峯隨帆轉一灘白鳥逐篙廻灘
名烏蠻最險惡伏波往日曾疏鑿功同神禹合俎
豆有廟巍巍鎮甌駱甌駱至今遵約束歲時廟下

祭旗燾祠中銅鼓鑄馬餘銀釵叩擊蠻風俗菴冷
雙女僭爲王將軍破賊威揚揚雙植金標臨漲海
七腰銀艾到炎荒神靈終古槎江在巨石依然排
壁壘湍流鬪怒狀軍聲勢逐牂牁東入海兩江黔
鬱此朝宗我溯驚濤欲上邕千篙日與雷霆戰萬
馬橫當水石衝調兵東征苦不速番禺九郡未恢
復□主徒希馬伏波委身未遇□文叔將軍際會
本非常我憶重興二十霜掃蕩南交待□命邀君
靈寵早還鄉

秋夜恭懷先業師贈兵部尚書巖野陳先生

金寄世兄恭尹

戊子

驚風吹折扶桑柯白日慘慘沉滄波無數哀猿啼
不止美人回首淚滂沱曾將九辯弔沅澧長夜悠
悠雪千里招魂何處告巫陽被髮空然呼上帝憶
昔從師粵秀峯授書不與經師同押闔陰謀傳鬼
谷支離絕技學屠龍天下山川誇聚米壯夫詞賦
薄雕蟲小子生年方十五意氣飛騰思食虎噴玉
纔蒙伯樂看追風便向天墀舞天墀春暖彩雲開
帝乘玉輦陪京來萬里江清鳩鵲觀六朝花發鳳
凰臺夫子憂時雙鬢白頻獻重興三十策不從魏
絳擬和戎遂與賈生爲逐客唾壺擊破愁心多君
父仇讐將柰何長纓不許終軍請黃鵠誰令翁主

歌九鼎茫茫沉泗水六龍冉冉出蓬婆奔走中原
殊未已孤臣淚作黃河水東渡徒勞艤棹心南巡
未雪膠舟恥巫咸終合作波臣智伯何曾知國士
國士縱橫不可當平生袴下多侯王但教死去圖
麟閣不願生還挂鵠章一呼市井千人戰廣州城
下兵如電半月連營虎豹屯六花奇陣鴛鴦變先
鋒已拔骨都旗後勁全消當戶箭豈意軍無三日
糧馬銜枯骨士金瘡頻殺美人來饗士美人花映
蛾眉長天心何故憐子國步迤邐今若此長留
正氣爲山河空有神光炤箕尾慚予亾命奔天涯
誤擲千金博浪沙途窮不得尺寸柄髡鉗爲奴賣

朱家朱家豪俠傾四澥堂前賓客如雲會卜夜聊
爲歌舞歡探囊尚有孫吳在向秀難聽長笛哀伯
牙欲把鳴琴碎鳴琴碎兮我心苦西山采薇將何
補翠華縹緲蒼梧烟玉佩飄零洞庭雨楓葉蕭蕭
二女祠蘆中窮士寒無衣白頭漁父滄浪去麥飯
壺漿欲待誰

長歌爲玉龍子壽

蒲桃美酒金叵羅銀盤堆炙高嵯峨請君酣飲當
秋月世上功名柰爾何月出涼州雪衆湧琵琶羌
笛閒相弄衛霍鷹揚自有時荆專狗盜終何用我
有純鈞一雌雄三金吐燄芙蓉同紛紛虎豹不足

刺出天入地如颶風自從攬搶犯帝闕四瀆波翻
天柱折包胥慟哭無人聞勾踐深寃難自雪因之
遊心八陣盤奇正相生環無端龍蛇變化在掌握
全師一擲非所安狐裘蒙茸垂錦帶遨遊東走邯
鄲外傾家交結高陽徒燕姬酒樓爭樗蒲千山殺
氣漁陽慘五夜笳聲大帳孤逢君沙漠至意氣相
歡呼長兄張子房小弟周亞夫肝腸剖出如白日
太山一諾堪捐軀歲月滔滔若流水忽別江南數
千里天心不肯厭□□孥世態那能留國士我如梅
福棄妻子蓬頭垢面棲吳市桃花春滿會稽山鼓
棹南湖蒼翠間憑誰寄語鴟夷子載取西施月下
還西施還今一攜手逢君忽在胥山口衣服猶霑
馬汗紅風流不減虬髯秀莫嫌三十猶沉淪戶門
曾有抱關人才似文淵不惜老美如曲逆寧長貧
看花且乘青雀舫朝斗且戴華陽巾懸黎追琢始
成器豫章鬱結方有神天生我技能穿楊時來三
箭誰能當漢賊絲來不兩立男兒豈必封侯王甌
中況有丹砂在只須功成便翱翔

四孝烈 有序

歲之甲午西寧王帥師攻新會城閉八閱月糧
盡守將屠居人以食有莫氏者諸生林應雒之
妻姑將就烹莫叩頭請代姑得釋而莫死李氏

者兵欲食其夫哭拜曰吾夫五十無子請食我
兵殺之以首還其夫使葬焉梁氏女者其父諸
生學謙女年十一請代夫死是爲新會四孝烈
黃氏亦代夫死是爲新會四孝烈

黑雲沉沉壓城隅城中食盡雀鼠無誰其死守右
骨都饑來贈人爲朝餽可憐窈窕三羅敷肌如冰
雪顏如荼再拜乞克君庖廚解粧請代夫與夫妾
年尚少甘且脆姑與夫老肉不如請君先割妾膏
腴味香不負君刀及食之若厭飫願還妾頭願姑
老夫無子妾命敢踟躕有女年十餘緹縈亦不殊
哀求赴湯鑊保父千金軀保父千金軀泉下報章
渠無嫌女身小一飽只須臾須臾飽亦可章渠單
殺我天生嬌女身爲君供鼎俎

夢馬歌

有序

予友張金吾家珍少從其兄文烈公起義軍中
得良馬絕愛之騎之出戰摧鋒陷陣輒有奇功
馬死金吾哭之慟葬之於龍門山中庚寅廣州
失守金吾怏怏歸畊風雨之夕忽夢騎此馬酣
戰如曩時覺而爲詩吊焉屬予和之

張侯十六勇無敵錦衣玉貌烏孫識千金買得大
宛騮騎出沙場人辟易揮鞭曾躍三重河勢如天
邊紫電過羗兒萬箭射不得死生可託征蓬婆一

朝汗血用忽竭君恩難報徒嗚咽玉勒金羈委艸
萊龍髻鳳臆埋冰雪英雄無命自古傷駑駘壽比
騏驎長嗟子功名終不偶歸耕海上淚浪浪髀裏
肉生悲老大虛擬封侯如拾芥霸陵醉尉時相侵
榆次博徒嘗見賣秋宵木葉飄寒庭氈衣肉酪心
不平彎弓欲射天山月拔劍難斬被頭星長夜悠
悠何時旦君父仇讐不可緩夢中忽在白龍堆追
風千里飛龍媒細看乃是舊乘駿玉花朱鬣氣雄
哉初交衝破沮渠陣橫行踏倒赫連臺雙瞳黃金
蹄碧玉閤向長城窟中浴圍人乃是諸降王日餵
焉支花百束陰風吹帳雪紛紛魂去魂來瀚海濱
死葬黃沙猶戀主生爲紅粉更依君繇來良驥感
一顧赤兔當年殉呂布願君努力更臨戎厲鬼還
能相夾輔

義象行

將軍來從夜郎天萬里旌旗橫海邊左右名王膏
玉斧西南君長執金鞭因之問罪尉佗國兵勝繇
來驕氣作美女聊爲歌舞歡謀臣自有孫吳畧營
中何物高嵯峨十四雄象相蕩摩久向滇池習鬪
戰憑之觸敵計良善蠻奴一下紫金鉤蹴踏沙場
山嶽轉豈意中宵敵潰圍不誅莊賈損軍威至尊
方有平城厄丞相頻從瀘水歸誰言不敗繇天幸

自是無功因數奇神龍失水困螻蟻往日風雷嗟
已矣梅銷關上陣雲崩伏波祠前鼓聲死象兮盡
入橐駝羣口銜首菑淚紛紛蕃雛騎向天山道漢
使愁看黑水濱中間一象獨不馴天子曾封爲將
軍勢每奔騰蹂萬馬聲如暗啞廢千人曾擊長沙
城闕碎如虎如熊誰不愛皇天不欲興神州致使
六軍齊受害繇來犬馬思報主況乃瑤光星降汝
曾被雷驚花入牙御前妙舞如鸞翥唐朝不拜赤
心兒今日寧降老上師幾夜偷營多傷殺田單火
牛寧足奇堪嗟巨礮爭叢擊戰場孤力終難支皮
可寢兮肉可食死爲鬼雄遊八極從來驥也稱其

德人不如獸徒千億

登秦望山寄謝廬山無可大師

秋風忽起飄井桐白鳳西飛紫鳳東何處思君最
淒斷流泉潺湲秦望峯秦望高高烟靄重我持明
月炤鴻濛雲間夏后金書在余下秦皇玉輦空遙
望廬山倚南斗三石梁邊君隱久陰符寶劍與何
人玉塵青蓮應在手幾宵乘月彈瑤琴寄我瀟湘
帝子唵梅花亂落雲門寺經歲相思未嗣音此日
登高眺東衆日出天台佳氣在黃屋將浮碣石來
紫芝尚向商山采采紫芝兮使心愁功名讓與屠
沽流仙人肌體如冰雪姑射山中自可留

容山陰贈二祁子

君家樓閣鑑湖邊楊柳千條春色妍
疎牖朝開射的雪空簾暮捲香爐烟
閃擁牙籤披萬卷小謝風流詩更善
可憐初日吐芙蓉更有澄江飛白練
我從羅浮萬里來逢君文采一徘徊
天上雪花那有蒂雲中玉鏡不安臺
相留暫向祗園住正是中丞殉節處
碧水含秋侶汨羅黃金布地同玄度
櫻桃開遍畫欄杆揮塵鳴琴興未殘
半山每答猿公嘯千仞將聯鳳鳥翰
鳳鳥高飛何所止金陵宮闕五雲起
一鳴素水降真人再鳴留侯遇余子

送方瞳子

戊子

家本羅浮上仙人日往還就中勾漏令
侶爾芙蓉顏芙蓉顏兮誰不悅朝如丹霞
暮如雪弄玉來教紫鳳簫靈娥炤日瑤臺
月月出瑤臺柰樂何忽乘天馬超天河
遨遊每共東方朔功業聊爲馬伏波千金
買得魚腸劍七寶裝成獅子花天下侯王
猶草澤江東子弟已干戈問君望氣意如
何五色龍文嵩維多我作班彪王命論羣
雄不敢思并吞赤眉必有長安敗王莽
終遭宣室焚自古帝王盡天授雲臺諸將
羅星宿子房本是赤余流漢家乃繼唐堯
後春日張筵戲馬臺千枝芍藥送春來
燕姬競作蓮花旋羌笛齊吹阿鞞迴慘淡
風雲歸沛上

蒼茫淮澥入金杯看君醉後揮鞭去颯颯龍沙萬里開

遊會稽山懷古並誦陶生見贈

巳丑

葳蕤紫鸞鳥口銜扶桑花翺翔朝禹穴雙翼蔽天涯
禹穴龍蔥雲五彩千峯竹箭連滄澥玉簡金書不可尋
香爐天柱依然在爲刑白馬登天壇冉冉龍輿望不還
四岳衣冠歸鬱水諸侯玉帛待塗山塗山南去陽明洞
酌酒秦皇三石甕白雀唵笙射的來仙人蕩楫樵風送樵風
颯颯鑄溪濱當年此地成純鈞雷公爲鼓陰陽炭天帝來看
龍虎文爛如列星羅太乙皎若芙蓉含夜月登高山兮臨深

淵一麾敵國皆流血嗟予亦是風胡流心與天通事遠遊
君王未雪夫椒恥臣子難寬范蠡謀玩弄仇讐股掌上六千
君子爲吾養繇來舉事隨天時陰謀逆德蹈危機天地相參
功乃就援抱提鼓莫遲遲遲遲兮柰何衝風忽起澥揚波逢
君玄夷蒼水使授受天書鳥跡多承呂文璜覆盤石昔年宛
委山中得深藏不使鬼神知默誦嘗將符識測符識今歸大
憤人雲臺二十八星陳我着羊裘漁大澤君攀鳳翼上天
津天津迢遙接具茨牧童七歲爲軒師天授英雄非偶爾何
減黃公遇下邳舟上西江值大水有作

六月滇黔水大來端州城門不敢開左右雙江爭
一口白波倒捲失崧臺咽喉最苦羚羊小水花四
飛如白鳥洪濤鼓舞不因風一出峽門成浩淼此
水發源自夜郎萬里來入祝融江南天一瀆亦無
愧勢與岷江爭短長春來一雨成黃濁八斗淤泥
那可濯炎方水土此難嘗生長蠻中殊不覺我行
正溯牂牁西津路微茫咫尺迷牽舟欲上木棉樹
走馬不見桃花堤榕葉陰陰餘片地芭蕉土布來
金利漁父鱗魚尺許長買來且作風前醉
峽口片雲時啓閉風雷更助建瓴勢水頭十丈似
黃雲兩岼崩崖苦相制牽舟直上望夫臺萬壑千

巖往復迴石棧如絲縈絕頂飛梯上下愁莓苔滇
黔至此水始放河伯未見奔騰狀萬里苴蘭赴海
來炎風吹盡無煙瘴風俗家家種橘田淘金採石
峽門邊多魚正喜西江漲婦女相將日數錢

上峽

水如奔箭穿霞壁舟與浪花相拒敵千巖萬壑勢
將崩一石中流猶盪擊風挾驚濤似颶來斜吹一
半斷虹開潮向北江猶可上西江從未有潮迴北
江勢比西江緩水性西江尤勁悍時時一口似龍
門萬里飛流束欲斷羊牯至此尾閭同到海猶須
兩日功傾瀉不教元氣盡故爲三峽呂梁中

蕉布行

芭蕉有絲猶可績績成似葛分絺綌女手纖纖良
苦殊餘紅更作龍鬚席蠻方婦女多勤劬手爪可
憐天下無花練白越細無比終歲一匹衣其夫竹
與芙蓉亦爲布蟬翼霏霏若煙霧入筒一端重數
銖拔釵先買芭蕉樹花鍼挑出似游絲八熟珍蠶
織每遲增城女葛人皆重廣利娘蕉獨不知

查君來自黔中贈之

憐君萬里事孤征艱難來自黔陽城黔陽乃是煙
霧海天無三日能乾晴雨師最好黔陽地震霹靂濛
濛豈天意二年未洗戰場紅紅滿黔陽皆血淚啾

啾新鬼多王侯可憐白骨成山丘英雄豈合建大
義殺身自古因春秋水淡火熱天所喜湯武之師
皆逆理君臣一炬謝生靈赤縣神州終已矣君向
黔陽弔戰場仲家黑白邀壺觴腐肉之中相飲食
烏鳶往往爭肝腸爭肝腸中有馨香是國殤生降
差比都尉強君行莫與別河梁

贈周文學

君如瓊樹方敷榮又似玉壺冰至清三歲珊瑚色
盡赤五年孔雀尾全成年少周郎古所羨况復聰
明是才彥不工顧曲但讀書文章已見雲霞變幽
軒列植多名葩美盎滋蘭盡發芽香煎水熟風微

起琴寫泉聲月正華書多不用徒漁獵至道從來
少枝葉古聖精微在六經神明一片宜相接

七星巖磨厓題名歌

七星化作七芙蓉斗柄乃是玉屏峰中有夾天千
尺峽天開一罅煙重重振策飛厓同我友摩挲怪
石雲濡手心憐絕壁勢爭雄欲得蛟螭字如斗君
也今之顧八分石經瘦勁汝其倫墨氣淋漓山鬼
泣無端破我蒼苔痕白石肌膚如玉雪磨礱欲出
巨靈血數聲斧外何清越石工一字一螺金丁丁
日夕愁穿穴石火射人光不寒爲君留得冰雪肝
姓名他日誰不朽置身且學此峰巒

伏波射潮歌

廉州海中常有浪三口連珠而起聲若雷轟名
三口浪相傳舊有九口馬伏波射潮滅其六云
后羿射日落其九伏波射潮滅六口海水至今不
敢驕隨月盈虛少沓潮流向東西各半月新潮旣
長舊潮消將軍天命治南海萬古波濤精爽在前
驅海若後波臣民免爲魚仗真宰

端州訪研歌和諸公

古之著書人豈必端州研黃帝陰符有作時墨池
只用瓊瑤片黃帝得玉一紐治爲墨池篆曰帝鴻氏之研君今采研思
氤氳不踏青天割紫雲身入東西雙洞口九淵始

得青花文水巖之石水精子帶血羊肝純作紫火
捺金錢朶朶圓白凝蕉葉爲肌理年來巖底采無
餘鬼斧神工多得髓紛紛散入富豪家什襲文綾
與絳紗未雨那知泉有本長乾爭見墨生花綠塵
半與圖書積安得松烟飽朝夕真氣徒含天一溪
空光未有雲霞迹琉璃作匣枉稱珍終日隨身詎
有人風雅紛葩思賦客春秋羽翼憶經神君今欲
采珪璋質尺寸微瑕皆勿失天畱淳樸與遣人鬼
瞰高明悲巨室石工欺汝只纖毫翡翠朱砂總未
高鸚鵡眼多堪抵鵲梅花坑好可磨刀神物繇來
知者寡相錯剛柔方大雅不得精華日月中文明

安足成天下爲君鉤索尚茫然應有精誠格上天
成璧成珪憑帝賚天然不必問方圓

老樹歌爲蔣少叅壽

少叅堂側有老樹似榕非榕榕所寓葉葉含苞如
木筆葉開忽似花爭吐花亦非花花不如紅淺綠
淡帶膏露千萬根鬚作一身虎倒龍顛應有故我
公構宇輪囷下日見柯條出煙霧公餘一日三摩
挲時遣詞人競題賦擁腫不知大幾抱朔雪炎霜
自朝暮青牛變化已多年白鶴巢棲寧有數尉佗
城中古木少除却菩提應獨步越人以此爲甘棠
一葉一枝孺子慕公之先公所根本南海一株磐

石固百年父老已湯沐萬古神靈定呵護霜威尚
帶西臺柏匠石森然不敢顧五嶺憑茲作梁棟望
似丘山陰四布吐納精華日影中元氣茫茫各奔
赴膏流金玉總堪餌腹有文章長不蠹天南奇樹
罕人知木綿千尺虛當路楨幹因君益大春剪拜
恐為雷雨怒公尊人南陔先生嘗為南海令訶
林有菩提樹植自蕭梁公以御史

出參藩

古銅蟾蜍歌

古銅金質久已化血花繡蝕三泉下何人鑄此月
中物持作薰爐噴蘭麝月中與兔為陰陽三足婆
娑桂樹旁日中之烏亦三足一東一西遙相當太

陰呼翕生潮水仙人師爾服氣方生長瑤臺明鏡
裏精華不待取扶桑漢宮以此為神器煎取沉醅
消夢寐紅顏不少嫦娥寡相伴蟾蜍度年歲摩挲
銅色何斑斑看丹如綠有無間雙煙自可通瑤圃
一氣何須假博山軒鼎餘銅龍不愛神工拾得虛
無外無香亦復雨氤氳有火莫教雲靉靄時時一
縷生空中太古長畱一點紅縱是灰寒終不滅神
靈看與蜃樓同

賦得石琴送陳健夫往零陵

端州白石天下稀聲含宮商人不知斲就瑤琴長
四尺輕如一片菴流離石音最是難調者碧玉老

人能大雅絲來太古本無絃不是希聲知者寡無
 絃吾欲並無琴琴向高山流水尋天籟元從人籟
 出非君誰識此元音君今欲向瀟湘去此是重華
 揮手處五絃一一在天風二女雙雙出煙雨詩篇
 投向洞庭波山鬼篁中答嘯歌幽蘭積雪頻相寄
 慰我相思秋夢多白沙先生自號碧玉老人嘗夢
 神人聽其琴謂石音難調于今
能調如是他日其必得道白沙因更自
 稱曰石齋今石琴尚在碧玉樓中也

梅花泉

杭州西溪有泉沸出作
梅花形名曰梅花泉

梅花泉泉作梅花朵朵圓五出有時還六出雪花
 一半相洄漩泉出梅花萬樹裏天一所生無彼此
 在天為雪地為泉欲作梅花無不似武陵溪口桃
 花時泉作桃花人不知紅紅白白因花性散作煙
 波不自持君今結宇西溪好萬樹梅花日相抱泉
 裏梅花更不窮流出人間豈浮藻一杯一朵月精
 華知爾松喬自難老

畱石行奉呈黃參軍

英州之石甲天下一一峰巒削成者尺寸皆作一
 巖洞一卷已自成西率使君作宦來炎方十四芙
 蓉案牘旁嵌空鬪竦分韶石大小相疊讀書床扁
 舟不肯載歸去畱我艸堂使箕踞奇雲所變勢巉
 巖就中大者如淫預昔人高致有陸績雖清亦愛
 鬱林石君今石乃似沉香十四芙蓉同一擲沉香

長在沉香浦英石長與翁山伍行者為岱坐為嵩
乳竇玲瓏出烟雨君之風流在此間蒼翠依依是
玉顏殷勤洗濯去苔蘚朝夕再拜那能閒

韓憲使見貽二白鵬賦以答之

使君持憲白鵬國白鵬一一生顏色相貽雄白與
雌朱教我烟霄恣胸臆山雞孔雀滿金錢閒客衣
裳似雪鮮明朝放向羅浮去應解啣花舊主前白鵬

一名
閒客

送吳少叅返歷陽

天作天門夾大江君邊蒼翠濕秋牕西梁煙接東
梁雨看殺芙蓉第一雙蘭橈曾繫君楊柳鶯向春

人催飲酒沿月頻過采石磯乘潮直出鮎魚口江
北煙花是歷陽君歸為樂正多方謝公陶寫憑金
管太白風流在玉觴養壽豈須紫芝艸忘情自令
朱顏好文章已可得長生况有醉鄉縱懷抱

送楊別駕返雲間

雲間曾至季鷹家白白鱸魚出淺沙四月紫萼復
肥美盤中不數龍孫芽君自九峰至南越梅花何
似泖湖月三年佐郡傍臺關大庾之山嘗拄笏還
家且向吳淞居為政心閒在讀書故人石父謂王
長思爾會有相思託鯉魚

季偉公贈我朱子綱目詩以答之

春秋之後有綱目有如日月光相逐月光元自日光來紫陽一日三膏沐地義天經總在茲溫公書法不會知背秦豈合誣周赧篡漢那堪獎魏丕昭烈一隅元正統武侯六出本王師亂臣賊子不誅滅黃初却在建安時筆削無過助兇逆褒貶乃自行阿私牝雞亦可當尊位呂武紀年此何義英宗忽使考仁宗父子可憐名實戾真是尼山一罪人紫陽不出無天倫冠履一朝辨上下血氣自此知尊親史中有經何精粹素王宗子真無墜此書君乃肯相貽誦讀自今忘夜寐年來辭賦已無心早歲春秋元有志書法只今在艸野一部成仁吾史

記上師尼父下紫陽空名不敢遺天王天畱一島作華夏茫茫海外長相望

賦得蝴蝶繭贈王黃門幼華

羅浮蝴蝶有洞穴天蛾吐絲白如雪千絲萬絲作一繭仙胎只爲鳳車結終日纏綿如有情變化一通神明繭中久蟄經霜雪雌雄之雷不能驚枝間厚裹烏柏葉山人采得盈筐篋四百峰邊大小村家家皆有大蝴蝶黃門近自京華來邀我共上麻姑臺不愛紛紛五色鳥不求朶朶同心梅只憐鳳子多香繭神物人間知者鮮携歸置在梧桐間明歲車輪雙翅展仙人騏驥最相宜莊得其雄老

得雌雲霞衣服誰能似日月精華總在茲君亦當年句漏令自入羅浮多嘯詠鮑靚丹爐造未能袁宏山疏題初竟千金何物作裝還蝴蝶之繭徒斑斑已擲沉香教作浦更包錦石使成山

簞友篇

山人遺我荔枝瘦得自羅浮第三嶺剝作一瓢字
簞友挹泉日向越王井拳曲千年成一節半生半
死沉香結精力堅凝剝爛時飽經甘苦成寒鐵霜
皮未盡尚磨礪蟻蝻半食心已空螺紋如絲旋細
細左紐右纏文不同故株龍顛復虎跛畱此一拳
見礪礪臃腫何須中規矩非方非圓但隨我腹大

如壺曲柄長匏尊讓爾居中央巢父手間日摩弄
裕枝掛處何清涼

羅浮探梅歌爲臧喟亭作

羅浮梅花天下聞千樹萬樹如白雲開時花似玉
杯大枝枝受命羅浮君么鳳一食三百朶綠萼檀
香畱與我君來先到梅花村重夢美人君不可四
百峰間開更開花從舊蒂作新胎今歲雪多添一
瓣去年霜少盡重臺玄墓西谿花百里可惜天寒
香似水炎天氣暖長氤氳生熟水沉作鬚藻不到
羅浮爭得知梅花自此長相思化爲蝴蝶車輪大
歲歲來攀太古枝

五十四歲自壽歌

西樵七十有二峰東樵四百三十二峰峰吾皆居
一年不覺年今五十四明年又復居西樵一年一
峰吹玉簫但教七十二峰遍便與仙人上紫霄

江山風月福人歌自壽

鐵崖老人髮穆穆行年八十猶安男瓊華翠羽蛺
蝶扇柳枝桃葉芙蓉簪江山風月吾亦耽日飲美
酒能沉酣散花天女繞左右一朶一杯優鉢曇天
年得至九十九賦詩應餘十萬首年今六十紫髯
長先駐玉顏娛老母老母康侯王母同受茲介福
天長久

奉答張觀察枉顧沙亭村舍之作用韻

東海北海海之濱文王不作歸誰親太公漁釣奸
西伯美女奇物稱三人吁嗟文武師若此何如墨
胎二子仁不才佯狂居南瀆食薇顏色能如春東
方每笑首陽拙曾參亦譏黔婁貧持蔬槁死寧不
可有母白髮方九旬使君軒車忽相訪雞鳴犬吠
驚鄉鄰亥唐菜羹亦未設荷蓀黍飯乃自珍踰垣
閉戶豈中道禮尚往來吾當循威鳳有德貴能下
神龍之性期終馴使君吐哺向白屋芻蕘之智圖
諮詢庭前秋水漱白石屋後喬松矗蒼旻物物可
以代忠告豈必有言書諸紳騶忌鼓琴託諷諫斲

輪喻道偏如神知公相契在默識忘懷自此日以
真

自蒲澗至簾泉洞尋鄭仙鶴舒臺作

七月廿四廿三日廣人傾都東門出菖蒲澗中漱
寒泉共尋鄭公煉丹室傳聞此日鶴舒翼安期上
仙就仙職秦皇蒼蒼向煙霧東使少君求不得玉
鳥何年留阜亭蒲花紫茸含秋馨越人祈子每雙
乳高禱此地惟仙靈水簾半遮大巖口枡栢數株
老猿守錦幡爭咎白花男珍果競懷紅粉婦仙人
跼跡履紛紛觸破苔痕生白雲生兒我欲生高士
似我迷花不事君

黃山王不菴作臥龍枡歌爲予壽詩以酬之

黃山山上多怪枡半生石笋半芙蓉芙蓉石笋亦
枡變有一不變爲臥龍龍本無形以神化真形往
往與枡同龍之隱者但高臥人不見龍見髯翁髯
翁鱗甲多怒决柯如蒼銅枝屈鐵引根十丈始作
榦榦雖千年似萌蘖霹靂橫將偃蓋傾蛟螭爭向
輪困結夜光有火出空心日炙多膏流斷節一枝
一榦一尺蠖求信且復依巖穴山僧寫圖貽我看
王子作歌含淒咽尺寸得空自盤攫縱橫穿土苦
羈紲峩峩千尺乃無勢幸因奇醜免摧折五鬣短
短少波濤聲似風雷畜未泄苦心愛此一樹怪自

少摩挲至大耄蹒跚尚有尊足存支離乃是鬼神
設臃腫何須規矩中斧柯且喜薪蒸絕雖然久蟄
非泥蟠撐出丹崖作遺子石破天驚自小時後凋
憑爾存孤孽本是軒皇昔所種手澤至今乍明滅
當年且戰且學仙霜根留得玄黃血灌溉頗用朱
砂泉滋潤微凝太古雪浮丘無力治拘攣容成有
意引寥泝黃山諸松此最古兒孫萬萬丹臺列臥
者天淵自高深立者棟梁久顛蹶君指此松爲予
壽意在不在材能斃蠹蟻頻容蝕茯苓藤蘿一任
爲瓜瓞松黃落地成古苔松子滿天低可綴君在
黃山亦一松莫教化石存楫楸一松孤作老人峰
秦漢來封久不屑臥龍復有擾龍好繚繞數峰出
巖嶮一松飛作天生橋一松倒生更奇譎煩君添
作四松圖置我松間長用拙

黃山五松歌

松兮松兮龍之宗龍不爲龍乃爲松松作女蘿纏
一石石爲松困難成峰倒生下垂幾千仞松頭生
在青芙蓉龍渴下飲髯拂水一者橫臥當石淙一
者破石石腹裂石爲之母胞胎重石無竅穴松久
孕橫枝千載乃穿胸松膠石漆日堅固松身長大
石無縫石兮乃有松爲子石生石養無土壅龍性
從來不見石石卽泥土恣所衝人間但見松變怪

豈知是龍不可蹤

題西子祠

苧蘿村中祠西子蒼梧城外祠綠珠湔裙一派美
施水得似雙角井泉無子胥鷓夷浮江水夷光乃
亦浮五湖亡吳之罪亦足蔽與誅妲已皆良圖可
惜吳亡不自死下同紫玉在黃墟夫差得爾一相
殉魂魄至今娛姑蘇

苧蘿村祠西子爲土穀其湔裙處稱美施水今有美施閘

細月歌

兒明洪年四歲時夜見太白形體大於羣星有
光閃爍以爲細月也予聞之失笑爲作細月歌
以示之

有天將軍名太白嘗配明月逐月魄小兒不識是
長庚喚作細月笑賓客青蓮小時月不識白玉之
盤向空擲謂瑤臺鏡亦不然鏡豈有輪大十尺太
白之星誠易知穿入月中苦蠻夷太白高兮中國
利金星但願出毋卑汝今夜夜拜太白朝拜啓明
起莫遲啓明多拜得聰慧長庚更與命長宜

烏江弔項王

力拔山兮天下雄氣蓋世兮乃無終王以天下兮
三讓不然漢高無大風一讓兮不殺沛公鴻門不
追至軍中始驅除兮終拱手禪授之德真重瞳再
讓兮不都關中天府捐棄咸陽宮故鄉彭城不忍

舍鴻溝爲界來相攻三讓兮不渡江東江東吳越
地未空八千子弟倘復起夫差句踐霸可同江濤
怒兮水倒立大野吹兮多落楓時不利兮騅一蹶
天之亾我命當窮死生與虞同一命蛾眉血兮濺
衣紅王多情兮不負季視季亦與虞兮同還定三
秦忽失約季負王兮季非忠不殺義帝季亦殺三
軍縞素欺愚蒙英雄豈必皆好信勢便逐利如轉
蓬三傑不言復讎事董公遮道計殊工吳芮不殺
王不服弑君之賊乃有躬義帝無後漢不立漢之
寡恩誠不聰英雄成敗兩不義誰言天授非人功
吁嗟誰言天授非人功

嘉禾歌爲王礎塵壽

嘉禾生在何地一莖嘉禾有八穗一穗有穀六十
四望如蘆荻一叢叢朱家巷口廿里中三百年來
草未墾此土發祥有真龍真龍昔向句容產黃氣
紫雲長鴻濛瓜瓞絲絲此根本民之初生沮漆同
嘉禾知是后稷穡不煩播種因天功子孫會有聖
人出嘉禾爲兆非年豐我從王君聞此兆如此嘉
禾古所少八穗乃是八純卦六十有四合大小易
爲日月兩大象相代爲明昏復曉一穗具卦六十
四造化有心殊易了持將八穗爲君壽數符五百
不先後名世卽同王者興周公嘉禾作應又

黃山僧述古畫黃山諸松見寄詩以酬之

大師將毋永嘉僧畫松往往松飛騰夢中吞龍知
幾百吐為松樹有神馮狂來倒吸歛溪酒醉中鱗
甲出兩肘黃山諸松最奇怪禿筆掃來無不有此
圖十株皆逼真尺蠖盤迴苦不伸千態萬狀在枝
榦多橫少直爭輪困日揮雙管走奇鬼一為生枝
一枯枿拂水藤纏夜叉臂凌霄花結靈鼠尾針芒
一如鐵攢中有風雨驅驚湍陰森已過畢庶子
勁挺絕勝蔣長源大師畫手老無敵因我愛松費
筆力他時我向黃山行偃蓋株株應徧識會當再
拜臥龍松十旬坐臥當臥龍剪取生絹長一丈乞

師圖取歸南禺

畫史永嘉僧擇仁善畫松夢吞數
百條龍遂臻神妙性嗜酒醉後取
拭輦中濡墨灑壁明日少增修為
狂枝枯枿畫者皆伏其神筆米元
章云蔣長源作松身似夜叉尾大
有生意時作凌霄花纏松亦佳

蓮

紅蓮宐子白宐藕白者香多紅者否蓮秧頻種春
分前紅蓮持作白蓮偶枝頭向南葉易舒花比葉
高一丈餘春分後種花苦短田田影裏含笑藻年
年種蓮不及早街頭買得數缸好吹香一夏喜風
多朝朝一朵開懷抱

合歡木歌

合歡合葉不合花花合何如葉合好夜夜相交不

畏風令君蠲忿長相保勸君多種合歡枝葉至黃
昏合不遲夜合合花那得似花有離時葉不離

山大丹歌

自是赭桐人不知山大丹名空陸離越王烽火開
千樹石氏珊瑚碎萬枝終年吐豔光相射不待燭
龍成不夜端陽日酷色逾鮮雖黃未肯先紅謝無
數小花攢大花玲瓏雕出芙蓉砂一花動至百餘
日不老須君媚歲華

後簞友篇

有序

簞友者何予之香瘦瓢也腹如椀許柄長不及
尺遊山水間輒以繫於襟帶以其與吾簞朝夕

相依故命之曰簞友錫山王子見而欲得之予
自念簞瓢窶人長物以鐘鼎與吾友可也以簞
瓢與吾友不自苦而以苦人毋乃有不堪其憂
之心乎瓢去則簞無所依又此瓢香瘦所成質
堅多節目磊砢有文與世之以匏瓠爲之者不
同予嘗有七言古詩名簞友篇志其美今復爲
後簞友篇以質王子

古之瓢飲巢與絲顏淵亦以酌溪流彼皆苦葉匏
所作短頸大腹輕且浮繫而不食經霜落腰之深
淺用亦優我之瓢與香瘦瘤根之生結非香肉渣
滓已化餘皮堅黃熟未成苦面皺一柄屈折珠斗

同又如人膽剗空中就泉招取日挹注不用羸餅
多有功一勺於我亦已足五石笑彼無所容平生
與簞作一處貧賤之交相爾汝匏瓜無匹簞其匹
中流千金吾不與未能長吸作鯨魚且復量腹爲
偃鼠所樂誰言不在茲洋洋泌水吾香糈此瓢真
是吾儔侶五嶽相攜歷寒暑中路與君恐非情使
簞無友長伶仃不及昔時太白老鷓鴣之杓同死
生簞友在君寧在我久要於義乃云可木質輕微
不足貴遺君當致一金叵

嘉禾歌爲廣州劉太守壽

庚午孟冬

昔有賢太守漁陽與潁川嘉禾麥兩岐頌聲天下

傳一莖九穗今重見我公德政誰不羨吐秀亦五
七銜滋露泫泫異母同穎與周同成王將復餽我
公充箱之實爲公飯上天所貺以報功父老紛紛
上堂壽持此嘉禾拜左右殷勤欲請歸禾篇家家
管絃爲公奏

惠州王太守入羅浮尋梅花村不得用子瞻
枯風亭下梅花詩原韻有作予爲和之

水簾洞口梅花村梅花不見餘冰魂美人已隨明
月沒依稀縞衣來黃昏翠羽啾嘈怨幽谷白雲黯
淡愁荒園使君苦尋千萬樹一冬衝雪忘寒溫急
須更植徧巖壑依之吐納扶桑暎盡教玉女插雲

鬢復爲老人遮枯門千秋梅花作湯沐四百君當
聞此言一羅一浮再開闔花時招我傾清尊

玉女
老人

二峰
名

水仙歎

往年水仙從吳來四萬餘本花盡開今年祇得四
千本十本一花無重臺家家水仙苦不售一錢一
本誰買回人窮罕有好事者生理蕭條良可哀
水仙天暖但生葉天寒始得花含胎今歲廣南頗
風雪凍傷無數桃與梅水仙苦寒亦不發安得一
夜春氣廻我心望春與花似春來我心花亦開

